



# Mande neks wik-O'Neill o Somare?

**Aja Alex Potabe i raitim**  
**SUPRIM** Kot refrens bilong tokaut sapos O'Neill gavman o Somare gavman em i tru tru gavman bilong PNG, bai kamap neks wik Mande bihain long tripela jas husat i harim disepla keis i surukim kot i go long neks wik.

sapos gavman bilong O'Neill o Somare em bihainim Mama Loa o sapos em i lejitimet gavman," Deputi Sif Jastis, Gibbs Salika i tok.  
 Jastis Bernard Sakora i tok "dispela i minim ol arapela kes olsem ol kontemp keis na apoinmen kes bai kamap bihainim long kot i panimaut gavman bilong husat i tru tru gavman"



O'Neill bai stap bek olsem PM...



...O Sief Somare bai kam bek gen...

Nau yet 13-pela kes olgeta i stap long Suprim Kot long stretim, tasol namba tu Sif Jastis, Gibbs Salika i tok, kot i laik stretim asua bilong husat gavman i truru gavman.  
 "Suprim Kot Refrens bilong Dokta Allan Marat mas kamap pastaim. Dispela refrens em i bilong painimaut

"Lejitimesi em i namba wan samting. Yumi dispela asua bilong lejitimesi bilong gavman o painimaut gavman bilong husat i tru tru gavman pinis, na bihain long en, bai yumi stretim ol arapela hevi olsem apoinmen bilong (Fred) Yakasa, (Yaura) Sasa, (Gabriel) Yer na ol arapela

kes, we as tru bilong dispela i kamaut long lejitimesi bilong gavman tasol," Jastis Sakora i tok.  
 Aste na hap aste, Salika, Sakora na Jastis Nicholas Kirriwom i bin askim ol loya o kaunsel bilong dispela olgeta pati husat i go long Suprim Kot, long wokbung wantaim ol long painim ol wei long stretim dispela bikipela hevi bilong kantri.  
 Ol i bin askim ol loya bilong tupela sait wantaim long olsem wanem ol i ken stretim dispela hevi. Ol loya

long tupela sait wantaim i bin wanbel long larim kot i painimaut lejitimesi bilong gavman pastaim, na bihain long dispela kot bai skelim ol keis bilong ol arapela samting we, as bilong dispela olgeta i kam long lejitimesi bilong gavman tasol.  
 "Taim lleksen 2012 tu i kam klostu, kot bai nonap westim taim, tasol wok hariap long mekim disisen long larim wanpela gavman tasol i ronim kantri. Na dispela refrens bilong

Dokta Marat bai halivim kot i givim ansa long dispela namba wan samting, we kantri i nau laik save," Salika i tok.  
 Wankain taim, kot i surukim bel oda long kontemp sas agensim Deputi Praim Minista Belden Namah, na Dokta Marat, we em inap long pinis neks wik Mande tu.  
 Kot i surukim tu stap oda bilong tambuim ol polisman long mekim wok painimaut o arestim Yakasa.

**KLOSTU NAU!**  
 Yu enrol tu?  
**82**  
 De moa...  
**Enrol NAU!!**

**Sabina's Corner**

Ritim stori bilong Sabina long pes 4 na 5...

Stori bilong bot kapsait long pes 2 na 3

**HEINZ 亨氏**  
**GOLDEN MARK SOY SOS**  
 I kam long tupela gupela teis!  
**Mushroom Dark Sos na Superior Dark Sos**

# 'Sip nogat spes

...mi slip long toilet'

## Bustin Anzu i raitim

**RABAUL Queen i bin nogat spes long sindaun taim em i mekim dispela las ron bilong en namel long Kimbe, Wes Nu Briten na Lae, Morobe provins.**

Sampela bilong ol dispela pasindia, husat i bin ron na kisim bagarap, i tok i nogat spes na ol i bin slip long toilet.

Wanpela sumatin bilong Manus i tok em i bin painim hap ples bilong slip nogat na lukim olsem sampela ol pasindia man i bin slip long toilet bilong ol man. Na em i joinim ol na go slip insait wantaim ol.

Vitalis Tapas bilong ples Baluan long Manus, tasol i save stap long ples bilong mama bilong em long Bali Ailan long Wes Nu Briten i tok em i bin sindaun antap long namba wan dek, tasol traipela ren na win i mekim na em i go sindaun long namba tu dek. Nogat spes, na em i go insait long toilet bilong ol man long slip.

"Traipela ren, wara i solap na win i mekim, na mi no inap stap antap long namba wan dek na mi bin i go daun long painim spes long namba tu dek.



"Tasol nogat, na mi lukim toilet i gat wanpela spes we mi inap long go slip. Olsem na mi go insait na slip long toilet. Namel long dispela taim, ol man i bin go na yusim toilet," em i tokim Wantok Niuspepa long Lae.

Em i tok taim sip i kamap long Siassi, em i bin slip na kirap bipo long sip i kapsait.

Em i tok, em i kirap long namba tu dek toilet na i go antap long namba wan dek long lukim beg bilong en, taim namba wan

strong bilong solwara i kapsaitim em.

Em i tok planti ol mama na pikinini wantaim ol lapun manmeri em ol i bin sindaun long namba tu na tri dek long wanem, tupela dek i gat glas windo.

**SEVIM SAMPELA:** Tapas (r) sanap wantaim bikpela susa bilong em Florence na ol liklik kandre bilong em long Giossi Labi Bareks long Lae.

Tapas, husat papa bilong em i keptenim MV Condor, bipo pasindia sip bilong Star Shipping, sampela 15-pela yia i go pinis, i tok em i bin helpim planti pasindia long dispela taim.

"Taim sip i kapsait, mi no pret. Mi stap stap isi tasol na sevim laip bilong sampela ol pasindia. Mi bin helpim tripela pikinini husat i singaut long mi helpim ol, na narapela wanpela man Buka.

"Bihain, mi bungim tripela raft wantaim tripela rop long ol mas stap klostu na ol i noken stap ol yet," Tapas, husat i gat 21 krismas i tok.

Em i bilip dispela namba we ol i kolim pinis em i no tru. Planti manmeri na pikinini na dispela ol dek i pulap nogut tru.

Planti bilong ol dispela pasindia husat i bin kisim bagarap, em ol i bin stap aninit, na tu long taim bilong bung long Lae, em i no bin lukim sampela meri i gat bel we ol i bin kalap wantaim long Kimbe wof.

**...Lukim ful stori bilong Vitalis Tapas neks wik long Wantok Niuspepa...**

# Sip i stap aninit long Solwara

## Bustin Anzu i raitim

MV RABAUL Queen nau i stap aninit long bikpela solwara stret, na ol lain husat i go pas long dispela oporesen i bilip em bai ol i hat long i go daun na kisim i kam bek antap.

Sip nau i stap aninit long solwara, samting olsem 1300-1700 mita na dispela em ol saveman i tok, wara em i kol nogut tru, na ol bai no inap go daun long kisim sip i kam antap na painim ol dai pasindia.

Ol samting bilong wara olsem pis tu i no save raun long dispela kain hap ples na sapos ol i raun, liklik namba bilong ol abus bilong solwara i stap.

Sapos ol i laik mekim olsem, ol i ken kisim ol save man long ovasis i go na mekim dispela wok long

**GO DAUN PINIS:** MV Rabaul Queen.



rausim sip i kam antap.

Ol i bin askim ol soldia bilong Papua Niugini Difens Fos (PNGDF) long daiv tasol ol i tok em bai i no inap.

MV Rabaul Queen i kapsait long las wik Fonde klostu long Bobongara, Finschaffen long Morobe provins, bihain long em i

mekim ron bilong em i kam long Buka, Rabaul na Kimbe.

Ripot i tok samting olsem moa long 300 pasindia i bin ron long dispela sip tasol dispela namba i ken moa long pasindia i ron.

Nau yet, samting olsem 246 em faipela sip i painim ol na bungim ol igo long Lae i kisim marasin na wetim stori bilong sapos ol i painim sampela moa bilong ol lain ol i bin kam wantaim ol.

Namba tu Provinsel disasta na Imejensi siaman Patalias Gamato i bin tok dispela em wanpela bikpela hevi o disasta bilong solwara na em i sori long wanem samting i bin kamap.

Em i bin tokim sampela pasindia we ol i bin painim ol long solwara taim ol i go bung long kisim toksave

long ol narapela lain i lus long wara olsem ol bai painim ol narapela lain i lus. Tasol nau yet, em wanpela wik olgeta an olgeta strong na tingting long painim ol laip yet igo daun pinis.

Nesenel Gavman i tok em bai kamapim wanpela tim long mekim wok painim aut long i dai bilong ol dispela pasindia na ron bilong sip na wei em i bin kapsait long kain solwara olsem.

Papa bilong sip, Peter Sharp, bilong Rabaul Shipping, i tokaut olsem namba bilong ol manmeri i kalap long sip em 351 na i no moa olsem ol pasindia i tok.

Long wanpela midia stemen, em i tok ol i putim aut toksave long lokol pipel olsem dispela namba em bilong ol lain pasindia i ron i go long Lae.

*Ritim sampela moa stori long pes 13...*

# 'Sori Tru'

BIKPELA tok sori i wok long go nau long ol lain i bin lusim laip bilong ol na tu, ol dispela i stap laip long birua bilong sip MV Rabaul Kwin i bin kapsait na go daun long solwara bilong Finsafen long Morobe provins las wik Fonde moning.

I kam inap aste apinun, ol ripot i tok ol reskiu tim i sevim pinis 246 pipel i stap laip na 6-pela dai bodi, tasol planti handret i lus yet.

Pasindia lista bilong MV Rabaul Kwin i soim olsem 350 pipel i bin kalap long sip, tasol ol stori long ol lain i bin stap long birua na ol i sevim ol i tok dispela mak i liklik, tasol i bin gat moa pipel i winim 500 mak.

Dispela sip i bin karim ol pasindia long Buka, Wes Nu Briten, Is Nu Briten o go olsem long Lae taim em i bungim birua na go daun.

Planti ol pasindia long Bogenvil na ol narapela ailan provins em ol sumatin, na ol dispela i bin go malolo long Krismas na nu yia, na i wok long go bek long skul long ol Momase na Hailans edukesen institusen.

I kam inap nau, papa bilong Star Siping kampani, Peter Sharp, i no wokim wanpela toktok long tok klia long dispela samting, na planti papamama i lusim ol pikinini na lain bilong ol i no

amamas.

Minista bilong Komyunikesen, Infomesen na Teknoloji na tu, memba bilong Sentrel Bogenvil, Jimmy Miringtoro, husat i bin lusim sampela hauslain na wantok long dispela birua i laikim bai Mista Sharp na siping kampani bilong em i mas ansa long birua i kamap.

Minista Miringtoro i tok sefti bilong ol pasindia i bikpela samting, na Mista Sharp na woklain bilong em i no bisi long en, na dispela i pilaim bikpela hap long birua.

"Pastaim, ol bin larim sip long go het long wokabaut bilong em i go long Lae long taim nogut we weda sevis i wok long givim aut. Namba tu, sip i brukim loa na karim moa pasindia, ovarim mak bilong em long 350 pasindia. Dispela i mekimsip i stap long hevi long taim nogut i kamap.

"Tu, sip i bin karim planti pasindia, tasol askim i stap sapos em bin gat inap laip jeket we olgeta pasindia inap yusim long taim bilong birua.

"Las long en, i gat kwesten mak sapos sip i orait long sait bilong sefti, na sapos ol i mekim sefti inspeksen long mekim ron na karim planti pipel. i luk papa bilong sip i laik kisim mani na i no wari long sefti na laip bilong pipel," Mista Miringtoro, i tok.

**I go long pes 3**

**SELF EMPLOYED MAKE MONEY**

*Then become a DEALER for LIFEasy TRU Limited.*  
Ph: 4724616

For REMOTE and RURAL areas  
SOLAR LIGHTS, SOLA LANTERNS  
SOLAR PHONE CHARGER  
HEAD LAMPS WATER POWERED  
WATER PUMPS

**ALL SOLD WITH WARRANTY:**

# 104 manmeri lus yet long solwara

Aja Alex Potabe i raitim

**BIHAIN long sip MV Rabaul Queen i bin painim birua las wik Fonde moning long solwara bilong Morobe Provins, ol i sevim laip bilong 246 manmeri, tasol 104 manmeri moa i lus yet long solwara.**

Nesenel Maritaim Sefti Atoleti (NMSA) i tok dispela birua em i wanpela bikpela sip birua insait long Pasifik Aillan, na ol bai mekim gutpela na strongpela wok paninimaut long sekim wanem samting stret i bin kamapim dispela birua.

Transpot Minista Francis Awesa i salim bikpela tok sore i go long ol lain na poroman bilong husat pasindia i bin bungim hevi long solwara dispela taim.

Awesa i tok em bai wokbung wantaim NMSA na Reskiu Kodinesen Senta (RCC) bilong Australia long sekim gut olsem wanem dispela birua i bin kamap.

Taim stori bilong dispela hevi i pairap long wol, Kwin bilong Ingran na Komowel wantaim PNG, Kwin Elizabeth II i salim tok sore kam pinis long gavman na pipel bilong PNG, na wankain taim gavman bilong Saina, Korea, na Yunaited Nesenens (UN) i givim sampela mani pinis long halivim long ol dispela

pasindia husat i abrusim dai bilong ol, na nau i stap long Angau Memorial Haus Sik long Lae aninit long lukluk bilong Morobe Provinsel Administresen.

Intenesenel Maritaim Ogenisesen tu i salim tok saore i kam long gavman bilong PNG na tok ol i stap rerdi long halivim PNG sapos gavman i nidim sampela teknikel halivim.

Ekseketiv Menesa - Maritaim Operesens- bilong NMSA, Nurur Rahman i tok MV Rabaul Queen em bilong Rabaul Shipping Kampani, we Kepten Peter Sharp em i menesing dairekta bilong dispela kamapani.

Rahman, husat i bin bipo kepten bilong sip, i tok MV Rabaul Queen i bin pulap nogu tru.

"Mak bilong en em long karim 310 pasindia. Tasol mipela i painimaut olsem dispela sip i bin karim 40 moa pasindia na mekim 350 manmeri olgeta. Dispela em i brukim loa bilong Merchant Ships Act na em i wanpela pasin nogut we sefti bilong ol pipel i no stap gut," Kepten Rahman i tok.

Rahman i tok nau yet ol i mekim bikpela wok painimaut long sekim olgeta samting bilong dispela asua, na i no long taim tasol ol bai kamautim dispela ripot long pablik.

## Sori tru..

I kam long pes 2

Olsem na Mista Miringtoro i sapotim wok painim aut we Prait Minista, Peter O'Neill, i odaim long birua bilong MV Rabaul Kwin.

Minista Miringtoro i wari na sori tru long planti pipel bilong Bogenvil i bagarap na lus long dispela birua, na em bin givim K100,000.00 long helpim ol lain i bin kisim birua long dispela birua.

"Long yupela husat i lusim ol pikinini na hauslain bilong yupela long Bogenvil, Is na Wes Nu Briten, na long ol narapela hap bilong kantri, bikpela tok sori tru i go long yupela. Prea bilong mipela i stap wantaim yupela long dispela taim bilong sori," Mista Miringtoro, i tok.

Aste, Prait Minista, Peter O'Neill i bin go long Lae na wantaim ol Niugini Ailan lida, ol bin raun lukim ol lain i stap long senta we Morobe Disasta lain i lukaitim ol.

Ol ripot i tok dispela em i namba wan bikpela solwara birua i kamap long histori bilong PNG.

**BSP Personal Loan**

- ✓ Fast Loan Approval
- ✓ Competitive interest rates
- ✓ Flexible repayment terms

Visit your nearest BSP branch and talk to us today!

180 1212 24/7  
Servicebsp@bsp.com.pg  
www.bsp.com.pg

**BSP**

**Niupela Maggi MagicTeist**

Wanpela kain kuing pauda

Bai givim **BEST** teist long kainkain kuk

# The Stalemate continues...



arises whether we can maintain a constitutional democracy under the rule of law. At first glance, it would appear that we may have already taken a wrong turn. The National Parliament seized power on 2/8/11 and threw out the Somare regime and appointed its own prime minister. This event was ruled unconstitutional by the Supreme Court on 12/12/11. However, Parliament passed amendment laws on 9/12/11, three days before the decision, legalising the conduct of parliament on 2/8/11, thus taking the wind out of the Supreme Court decision given three days later.

Thus, the political situation climbed to a higher level, where the parliament challenged the Supreme Court as to the issue of the law-making body. Properly put, the Constitution is the supreme institution. It is called the Mama Law and from there, we can say that the parliament, the executive and the judiciary are like creatures of the constitution. For all legal purposes, the Constitution is supreme. However, the power to make laws vests with the parliament, and the power to interpret and give meaning to the Constitution vests with the Supreme Court. Thus, if we keep these issues separate, then there ought not to be any conflicts

or infighting among these three bodies.

It is our view that half the constitutional issues we are now facing are the outcome of a politically-driven agenda where one group of politicians got fed up with another group, and thus, had them thrown out rightly or wrongly. And on its part, the Supreme Court said rightly that it was done unlawfully. And on the part of the Supreme Court, that is where the matter should be put to rest. However, the Parliamentarians proceeded further to consolidate their position of political power by using their law-making power to oust the Supreme Court decision which is not unusual in many common law countries.

What has happened now, is that Parliament has since filed a Constitutional Reference before the Supreme Court asking the court to rule whether the laws it passed on 9/12/11 legitimising its conduct of 2/8/11 are constitutional. And Dr Allan Marat, the Attorney General by O'Neill and Namah has also filed another reference asking the court to determine other related constitutional issues.

Thus, we are now at a stage where the legal battle for supremacy has moved back into the court house and it is now for the Supreme Court to revisit its own decision in light of the amendments to make legal what Parliament did on 2/8/11. So there is no end to the fight for supremacy.

It is our view that the Supreme Court made its de-

cision on the 12/12/11, putting Sir Michael back into power, but Sir Michael did nothing about enforcement of that decision until just recently when he had filed contempt proceedings against a number of people for non-compliance with the Supreme Court decision. And it would seem that too much water has passed under the bridge, and the issues are not that straight forward anymore.

There are too many issues, and in many cases, these issues are now compounded to the extent that it is now like a legal nightmare for both judges and lawyers to work out.

And with these legal issues now being debated before the Supreme Court, we saw what happened when the Somare camp appointed Sasa as their Commander of the Defence Force. Sasa took control, and in a press conference, said he would enforce the Supreme Court decision to put Somare back in power. Fortunately, not many soldiers felt the necessity for the Defence Force to intervene in a strictly civilian matter.

Thus Sasa was contained, and the attempt was put to rest. Had Sasa succeeded, it would have been a totally different ball-game. We may have seen some blood-spilling events unfolding in the country.

Under the Constitution, the military cannot intervene even in civil disorders in the country until it becomes unmanageable for the police force, in which event, Section 202 of the Constitution

allows the government of the day to make a military call-out to come under the command of the police commissioner to contain any law and order problem. Other than that, the military has no role in a strictly civilian matter which police can contain on their own strength. thus, in our view, that was a wrong move to destabilize the Defence Force to intervene in a strictly civilian matter.

We have already destabilized the police force to the extent that there are now two factions within the police force. This kind of conduct must stop. And our politicians must be mindful of the welfare of our people and that way, play strictly by the rules. It is wrong to resort to means which will have the effect of further dividing our disciplined forces.

And finally, now that the national elections are around the corner, the present stalemate does not have a long life to maintain anymore momentum. Yes, by the look of it, one faction will be in charge of the national treasury during the elections, but this is the smaller issue in our view.

The bigger issue is that the stalemate is finally coming to a close. And let us all look forward to appointing good leaders who have the interest of the common people at large.

Let us not vote for those politicians who wish to make a career out of politics to live off the common fund.

May God bless Papua Niugini.

# Pulim-taitim stap

**M**IPELA bai bungim nesanel ileksen klostu nau, na pulim-taitim long politiks i go yet. Klostu nau bai kantri bai vot, na pinis long Julai na Ogus, wanpela nupela gavman bai kisim luksave.

Na long lukluk long sindaun i stap nau, mipela ken ges tasol olsem O'Neill na ol lain bilong em bai kam bek gen, na dispela bai pinisim olgeta askim bilong husat i trutru, na husat i nogat. Sapos dispela i kamap, em bai klinim olgeta kain kain krosipait na larim nupela palamen i mekim wok bilong en wantaim wanpela nupela eksekutiv gavman i givim stia.

Mipela i ting olsem ol sua na mak bilong birua long samting i kamap long Ogus 2, 2011 taim O'Neill na Namah i rausim pawa long Somare gavman bai stap yet, na ol solwara meknais bai no inap painim nambis. Olsem na yumi ol Papua Niugini manmeri bai kisim bikpela, na strongpela skul long dispela birua.

Taim yu lukluk long kolonial histori bilong yumi mipela i no lusim blut long winim independens. Mipela i no tuhat na pait long kisim rait bilong lukautim mipela yet. Australia i givim mipela long wanpela silva plet. Bikos ol tu i olsem mipela taim ol i bin stap olsem wanpela koloni bilong Ingran.

Olsem na Australia i bin tingting long ol politikal laik bilong mipela na i halivim mipela long inapim ol.

Na nau, 36 yia bihain long independens, askim i kamap



sapos mipela i ken strongim konstitusenal demokrasi aninit long rul bilong loa. Long namba wan lukluk long en, em bai luk olsem mipela i abrus na asua pinis. Nesanel Palamen b i kisim pawa long Ogus 2, 2011 na rausim Somare gavman na makim praim ministra bilong en. Dispela wok, em Suprim Kot i tok i no bihainim loa long disisen bilong en long Desemba 12, 2011. Tasol Palamen i kamapim ol loa senis long Desemba 9, 2011, tripela de pastaim long disisen i kamap, na i mekim orait long loa, pasin bilong ol long palamen long Ogus 2, 2011, na dispela i rausim win long Suprim Kot disisen i kamap tripela de bihain.

Bihain, politikal sindaun i kalap i go long narapela level taim palamen i salensim Suprim Kot long pawa bilong em long mekim loa. Tru tumas, Konstitusen em i suprim institusen long kantri. Yumi save kolim Mama Loa na long dispela luksave, mipela i ken tok olsem palamen, eksekutiv na judisari i olsem ol pikinini bilong konstitusen. Long olgeta wok loa, Konstitusen em i namba wan. Tasol pawa bilong mekim ol loa i stap wantaim palamen, na pawa bilong kliarim na givim mining long Konstitusen i stap wantaim Suprim Kot. Olsem na

sapos yumi brukim dispela tupela samting na lukluk long ol, ol yet, bai nogat wanpela pait namel long dispela tripela.

Em i luksave bilong mipela olsem olgeta konstitusenal isiu mipela i bungim nau i kamap long wanpela pilai politiks we wanpela grup politisen i les long narapela grup, na rausim ol long stretpela o krangi rot. Na long sait bilong Suprim Kot, em i tok stret olsem dispela pasin i no bihainim loa, na dispela i mas pinis bilong en. Tasol ol palamen memba i go het moa long strongim kona bilong tupela na yusim pawa ol i gat long mekim loa long rausim Suprim Kot disisen we i no nupela samting long planti komon loa kantri.

Samting i kamap nau, em Palamen i failim wanpela Konstitusenal Refrens wantaim Suprim Kot we em i askim kot long rul sapos ol loa em i mekim long Desemba 9, 2011 we i tok oraitim pasin bilong Ogus 2, 2011, i orait aninit long konstitusen o nogat. Na Dokta Allan Marat, Atoni Jeneral bilong O'Neill na Namah gavman i failim narapela refrens gen i askim kot long tok klia long ol arapela konstitusenal isiu.

Em nau, mipela i stap nau long mak we loa pait bilong husat i tru tru bosman bilong kantri i go bek long haus kot, na nau em i stap long Suprim Kot long sekim gen disisen bilong em yet bihainim ol amenmen o senis long mekim stret long loa, samting Palamen i mekim long Ogus 2, 2011. I nogat pinis long dispela

pulim taitim yet.

Em i tingting bilong mipela olsem Suprim Kot i mekim disisen long Desemba 12, 2011, na putim Sir Michael bek long pawa, tasol Sir Michael yet i no mekim wanpela samting long strongim dispela disisen, inap nau tasol taim em i failim ol kontem sas agensim sampela ol lain long ol i no bihainim Suprim Kot disisen. Na i luk olsem bikpela wara tru i ron pinis aninit long bris, na ol isiu i no klia olsem bipo.

I gat planti isiu tumas, na long planti kes, i gat isiu i stap nau, we em i kamap wanpela bikpela hetpen bilong ol kas na loya long stretim.

Na wantaim ol dispela ligel salens i stap nau long Suprim Kot, mipela i lukim samting i kamap taim Somare kem i makim Sasa olsem Komanda bilong Difens Fos. Sasa i kisim kontrol, na long wanpela midia konfrens, em i tok olsem em bai strongim Suprim Kot disisen bilong putim Somare go bek long pawa.

I nogat planti soldia i bin wanbel long difens fos i go insait long wanpela sivilian samting.

Olsem na Sasa i brek long en, na traime bilong ol i lus nating. Sapos Sasa i bin win, em bai narapela stori olgeta. Nogut mipela bai lukim blut i kapsait long kantri.

Aninit long Konstitusen, ami i no inap go insait long wanpela kain sivil disoda o hevi long kantri inap em i kamap bikpela tumas long polis fos long daunim.

Sapos i olsem, Seksen 202 bilong Konstitusen i tok orait long gavman bilong mekim wanpela militari o ami kolaut long kam aninit long komand bilong polis komisina long daunim wanem kain loa na oda hevi. Moa long en, ami i nogat wok insait long ol sivilian samting we polis i ken lukautim long strong bilong ol yet. Olsem na long lukluk bilong mipela, dispela em i asua tru long seksekim Difens fos long go insait long dispela sivilian samting.

Mipela i klostu brukim polis fos pinis, na nau i gat tupela lain i bruk insait long polis fos. Dispela kain pasin i mas pinis. Na ol politisen bilong yumi mas tingim sindaun bilong ol pipel, na bihainim stret ol loa. Em i asua long bihainim rot bai brukim ol disiplin fos bilong yumi.

Na las tru, na ol nesanel ileksen i kamap klostu, dispela pulim-taitim i nogat longpela taim moa long stap laip. Yes, long luksave bilong en, wanpela sait bai bosim nesanel tresari long taim bilong ileksen. Mipela ting em i wanpela sait samting.

Bikpela samting em i pulim-taitim i klostu kam long pinis bilong en. Na larim mipela i lukluk long makim ol gutpela lida husat i gat laik bilong ol pipel long kantri.

Yumi noken votim ol politisen husat i laik mekim laip wok bilong ol long politiks, na sindaun long mani bilong kantri.

God i blesim Papua Niugini.



AMAMAS KILIM OL: Ol dispela tisa ol i amamas stret long donesen bilong Dijisel i go long skul bilong ol. *Poto: Dijisel*

## Dijisel helpim gen narapela skul

TUPELA praimer skul long Hagen, Westen Hailans provins bai lukim gutpela yia long dispela skul yia wantaim helpim bilong Dijisel Faundeses.

Ol skul sumatin na ol tisa bilong Keltiga Praimeri skul 1 na Biapuri long Hagen bai kisim gutpela helpim long mekim wok bilong ol na tu, long save long wanem samting i kamap long PNG na wol wantaim ol kompyuta, internet modem na sola pawa masin.

Taim Dijisel Faundeses lain i

givim donesen i go long skul long las wik, ol tisa bilong Keltiga na Biapuri i bin amamas stret long kisim ol kompyuta set na ol intanet modem we Faundeses i givim long skul. Antap long ol dispela, Faundeses i givim wanpela sola pawa set bai helpim long givim lait na pawa i go long ol klasrum we Faundeses i bin givim mani long sanapim las yia.

Ol tisa i tok ol bai yusim ol kompyuta long redim ol program bilong 2012 skul yia.

Ol i tok mani ol bai kisim long sola pawa na intanet em ol bai yusim long baim wanpela printa bai helpim ol sumatin na tisa wantaim.

Ol bin autim bikpela tok amamas i go long Dijisel (PNG) Faundeses long gutpela wok na helpim bilong ol long komyuniti, na long kontribuit long groa bilong ikonmik developmen bilong kantri.

# Stimsips bai sapotim saiens konsevesen

OL LAIN sumatin i pinisim skul long saiens na i laik skruim save i go moa long Fores Saiens na Konsevesen i gat sans long wokim dispela wantaim helpim bilong Stimsip Treding Kampani (STC), hap bilong Swire Bisnis grup.

Sif Opereting Opisa (SOO) bilong STC, Tom Owens i amamas long kampani i putim kamap dispela skolasip bai helpim lukautim ol bikbus na ol diwai long PNG.

Swire Edukesen Tras i givim ol skolasip long husat bai winim aplikesen long skul long Masta ov Saiens long wanpela intanesenel yunivesiti

we kendidet yet i laik skul long em.

Mista Owen i tok as tingtign bilong dispela skolasip em long lukautim na menesim ol tropikel fores o bikbus long PNG. Narapela em long sapotim ol gutpela sumatin i mekim gut long akademik sait long divelopim lidasip long fore saiens na menesmen long PNG.

Ol eria we ol lain i winim skolasip bai skul long fores saiens, ikoloji, ikosistem stadis, boteni, entomoloji, silvikalisa, zuloji, saikoloji na sistem-atiks.

Mista Owen i tok ol lain i laik aplai long skolasip i mas klostu pinisim digri long konsevesen or fores

saiens. Na em i mas soim tu olsem em i gat bikpela laik long wok long lukautim na sevim ol fores na bikbus na ol renfores diwai long PNG.

Husat i gat laik long aplai i ken go long intanet na kisim ol aplikesen fom na pulumapim long dispela etres: [www.ctfs.si.edu/sprs](http://www.ctfs.si.edu/sprs) o kontekim Liz DelaneyLobo long +1.617.496.1125. Ol long email etres: [lizdelaney-lobo@fas.harvard.edu](mailto:lizdelaney-lobo@fas.harvard.edu).

Detlain bilong ol aplikesen bai pinis long Mas 15,2012, na olsem, yu mas hariap go kisim na pulumapim fom bilong ol.

## Amamas long bikpela Courts Megadro win



LAKI TRU: Tru tumas, Max na meri bilong em Diane i laki tru long bikpela megadro win. Hia ol i sekan wantaim bikman i bin prisanim ol wantaim tuffa tenk na jenere-ta. *Poto: Veronica Hatutasi*

WANPELA famili insait long Nesenel Kapitel Distrik i gat bikpela amamas tru long winim bikpela dro bilong Courts em ol i kolim "Courts Megadro".

Kampani Courts em i wanpela bikpela fenitja supamakot long Mosbi we pablik i laik baim ol samting long putim na yusim long haus i go long en.

Max Kende bilong Erave long Sauten Hailans i wok wantaim High Arctic kampani na i marit long Pari Viles klostu long Mosbi siti em dispela man i bin laki tru long winim megadro na 10-pela prais olgeta we manimak bilong ol inap long K250,000.

Long las wik Fraide, Carpenter Grup kampani we Courts i kam aninit long en i bin prisanim ol prais i go long Mista Kende na misis bilong en, Diane.

"Mipela i amamas stret, mipela i no bilipim olsem mipela i win, tasol mipela i tok tenkyu long Bikman long dispela win bikos olgeta samting i kam long en," Misis Kende i tok.

Misis Kende i tok famili i bin baim wanpela dip frisa wantaim manimak inap long K3,000, na pulumapim fom long go insait long dro.

"Tripela narapela dro i bin kamap, tasol mipela i no bin givap, inap ol i wokim dro long meja o bikpela megaprais dro na taim ol i kolim nem bilong man bilong mi olsem wina, em i hat long bilipim, tasol em i kamap tru," Misis Kende, i tok.

**COURTS**  
**TWO4 ONE COMBO DEALS!**  
SWEET DEALS COME BY ONCE!

**BAIM DISPELA**

**COURTIER 883001 SINGOL BED FREIM VELIU OLSEM K349**

**BAIM 1 NA BAI YU KISIM NARAPELA AITEM FREE NATING!**

**KISIM DISPELA FRI**

**90X5 8L3002 SINGOL FOAM MATRES VELIU OLSEM K89**

**COMBO DIL PRAIS**  
SALIM KIT KOUT: BB3050

**K349**  
OR FOTNAIT K12

**NEW RANGE OF STOCK JUST ARRIVED AT COURTS!**

**COURTS**  
*Something for Everyone!*

**TRADE ENQUIRIES WELCOME**  
302 5800  
472 4800

**The Courts PRICE**  
K1.00 DEPOSIT

PORT MORESBY  
Phone: 302 5800 • Fax: 325 4149  
Email: [sales@portmorecourts.com.pg](mailto:sales@portmorecourts.com.pg)

MOUNT HAGEN  
Phone: 342 0844 • Fax: 342 0844  
Email: [courts@mounthagen.com.pg](mailto:courts@mounthagen.com.pg)

KOKOPO  
Phone: 982 3007 • Fax: 982 3008  
Email: [courts@kokoport.com.pg](mailto:courts@kokoport.com.pg)

LAE  
Phone: 472 4800 • Fax: 472 4621  
Email: [sales@laecourts.com.pg](mailto:sales@laecourts.com.pg)

GOROKA  
Phone: 532 3232 • Fax: 532 1912  
Email: [courts@gorokacourts.com.pg](mailto:courts@gorokacourts.com.pg)

MADANG  
Phone: 422 0175 • Fax: 422 0036  
Email: [courts@madangcourts.com.pg](mailto:courts@madangcourts.com.pg)

# Gavman na Tolokuma Main mas helpim stretim Angabanga Bris

**Veronica Hatutasi i raitim**

**WANPELA** meri lida bilong Kairuku Hiri eria, **Philomena Lala**, i singaut long nesenel gavman na ol narapela grup long stretim Angabanga Wara Bris i stap long Kairuku Hiri eria bilong Sentral provins.

Misis Lala i wokim singaut bihainim bagarap bilong Angabanga Bris tupela wik i go pinis.

Em i tok Angabanga Wara we ol i kolim tu long Sen Joseph's Riva, em i bikpela wara long Hiritano haiwe rot we pipel bilong Kairuku Hiri na Galp provins na tu, pablik i save yusim we Angabanga Wara i stap long en long kisim sevis, go long maket, stua, skul, haus sik na ol narapela moa.

Tu, buai em i bikpela samting long laip bilong pipel long kisim mani long

em na taim Angabanga Bris i bagarap, pipel i bungim hevi, long wanem, ol pipel long Mekeo na Galp provins i no karim ol buai bek bilong ol i kam long ol maket long Mosbi.

Kikbek bilong en em, bikos buai i sot, prais bilong fevered nat bilong ol pipel long PNG, em buai. Na taim hevi long Angabanga Wara Bris i kamap, pipel bai kisim taim long wanem, prais bilong buai i go antap.

Antap long en, em i hat long pipel long Kairuku Hiri na Galp provins long kam long Mosbi na kisim sevis na ol narapela samting.

Misis Lala i tok nau bikpela samting em sefti bilong ol pipel bikos wara i wok long karamapim bris i pondauin i go daun, tasol ol pipel i wok long yusim long wokabaut long i go na i kam.

Misis Lala i tok ol bin

bildim Angabanga Bris long 1978, 34 krismas i go pinis, na em i givim bikpela helpim long ol pipel bilong Sentrel, Galp na ol narapela pablik bikos dispela em i nesenel rot na bris.

Em i skruim tok i go moa na tok insait long 30 krismas, Tolokuma Main i operet na i bagarapim wara wantaim ol posin kemikel o marasin we pipel i kisim hevi long em. Tu, kampani i tromoim pipia long wara,

na dispela i mekim wara i go bikpela (wide) moa, na dispela i kontribut long Angabanga Wara bris i bungim bagarap nau.

"Na nau bris i bagarap, nesenel na provinsel gavman wantaim Tolokuma Main i mas mekim samting long stretim Angabanga Wara bris," Misis Lala i tok.

Sampela long ol viles long wes na not Mekeo i stap klostu long Angabanga Wara na i bungim

hevi long Tolokuma Main pipia long wara em long Inaoae, Inawi, Aipeana, Fofoka, Veifa'a, Amoamo, Rakui, Gagaufua, Inaauaoni, Imunga, Babagogo, Apanaipi, Amaiaa na sampela moa.

Misis Lala i tok tu olsem bikos long pipia bilong Tolokuma Main i bagarapim wara insait long 30 yia nau, planti yangpela pipel i no save long swim.



**GAVMAN MAS HELPIM:** Wanpela meri lida bilong Kairuku Hiri eria, Philomena Lala.

## Tupela Dijisel wokmeri sindaun long Jamaica trening kos



**L-R: JAMAICA KOS:** IT Helpdesk Manesa bilong Dijisel, Kawaiwan Yai Pupu na Koporet Akaun Menesa, Tania Mahuru, long wanpela wik Dijisel trening kos long Kingston, Jamaica. *Poto: Dijisel Pablik Rilesens*

**TUPELA** wokmeri bilong Dijisel PNG i kam bek long wanpela wik menesmen developmen trening kos ol bin sindaun long em long Jamaica.

Na ol i redi long yusim save long helpim Dijisel PNG i groa strong na tu, serim ol samting ol i lainim wantaim ol wanwok.

Koporet Akaun Menesa bilong Dijisel, Tania Mahuru, na IT Helpdesk Menesa, Kawaiwan Yai Pupu, i bin sindaun long wanpela wik menesmen developmen progrem kos long Kingston, Jamaica, wantaim 20 narapela lain i wok long menesmen level long 31 maket long wol we Dijisel i stap long en.

Dijisel i bin ranim dispela menesmen developmen kos bilong ol pipel menesa husat i joinim kampani nupela tasol na tu, long ol lain we kampani i luksave olsem ol i gat menesmen skil na insait long tripela mun, ol bai go insait long menesmen level.

Olsem na as tingting long ranim kos em long ol lain i sindaun long kos kisim gutpela save long ol velyu na kalsa bilong Dijisel.

Taim Misis Mahuru i tok amamas long Dijisel PNG long sapotim gut ol yang-

pela PNG meri menesa long skruim save long ol wan wan wok eria bilong ol, em i autim bikpela tok tenkyu long kampani i givim em sans long go long dispela kos.


"Mi lainim planti samting long dispela kos na bai mi serim ol samting mi lainim wantaim Dijisel tim bilong mi long PNG," Misis Mahuru i tok.

Mis Yai Pupu husat i wok wantaim Dijisel PNG long 5-pela krismas, i tok em i lainim planti samting long wok bilong em wantaim kampani, na em i praut long wok wantaim kain kampani olsem we i nogat taim bilong stap nating, tasol mekim wok na skruim lainim olgeta de.

Em i amamas wantaim Dijisel long givim dispela sans long em na ol narapela PNG yangpela menesa long go long ol kain trening kos olsem.

Sif Eksekutyutiv Opisa bilong Dijisel, John Mangos, i tok kampani i save givim luksave na developim ol tim memba long ol kontribusen ol i mekim long groa bilong kampani.

Em i bilip olsem tupela meri bai helpim kampani long go pas olsem wanpela bikpela na strongpela komyunikesen netwok long PNG.



## PNG SUSTAINABLE DEVELOPMENT PROGRAM LTD

### Developim Humen Risos bilong Westen Provins

Nius long kamap bilong wanpela akademik skolasip em i musik long ia bilong ol lain i strong inap long winim wanpela. Mipela long PNGSDP i amamas long strongim humen risos developmen bilong Westen Provins wantaim ol akademik skolasip i save sapotim ol stadi long kantri na ausait long kantri.

I kam inap nau, mipela i save givim tripela kain skolasip. Namba wan em Westen Provins Skolasip Progrem (WPSP) we i bin kamap long 2009. Dispela awot i save go long top gret 12 sumatin man na meri i kam long foapela skul long Westen Provins, em Kiunga Sekonderi Skul, Sen Gabriels Teknikal Sekonderi Skul, Aweba Sekonderi Skul na Daru Sekonderi Skul – sans long kisim skul na save long ol stadi na skul long ovasis, i skul long royal Melbon Institut ov Teknologi (RMIT) Yunivesiti long Australia. Ol dispela sumatin i mas go bek long Westen Provins long kontribut long developmen long hap.

Fitin sumatin husat nau i go long RMIT long mekim ol faundesen stadi bilong ol, o namba wan na tu yia bilong skul long ol fil olsem Saiens, Bisnis Stadis, na Midia na Komyunikesen. Mipela i save olsem skul long ovasis i no wanpela isi samting. Ol bikpela moa akademik stendat, foren kalsa, klaimet, na longwe long ples em planti ol salens ol sumatin i gat. Tasol ol dispela yangpela man na meri i bungim ol salens tasol, na ol i bihainim gut laip long Melbon. Tupela long ol sumatin bilong mipela i kisim ol gutpela mak tru. Ol i strong long inapim ol bikpela mak skul insait long olgeta kos ol i kisim!

Namba tu skolasip awot em Westen Provins Nesenel Skolasip Progrem (WPNSP) we i sapotim akademik o teknikal stadi long ol lokol edukesen institusen long Andagraduet, Pos-Graduet, Koles na ol Vokesenal fil bilong stadi. Em i kamap long 2011 tasol, na ol benefit bilong dispela skolasip skim i gat ol veliu bilong wanpela bikpela awot long ol wanwan sumatin i wok resis long kisim kwalifikesen long kainkain sabjek long Westen Provins.

Mipela i kisim moa long 900 aplikesen, na bihain long wok skrinim, o glasim, 16-pela kendidet i kisim skolasip long go het long 2012 akademik yia. Ol fil bilong stadi em Edukesen Lidasip, Spesol Nids Edukesen, Tising o skul tisa, Sivil Enjiniaring, ol Ilektrikal Tred, Ekonomiks, Sevei, Ats, Aplaid Saiens, na Infomesen Teknologi. Olsem ol sumatin i skul long RMIT, ol kendidet bilong Nesenel Skolasip awot bai mas go bek long Westen Provins long yusim save ol i gat long sapotim longpela taim sindaun bilong Provins.

Na wanpela nupela skolasip nau i kamap bai givim ol nupela graduet dokta long karimaut Mastas Progrem long Rurel Marasin. Dispela progrem bai lukim ol dokta i wok long ol longwe ples helt senta na ol rural haus sik long Westen provins na skul long ol stadi progrem taim ol i wok. PNGSDP bai givim mani long sapotim ol dokta husat bai stap aninit long lukaut na stia bilong ol arapela jeneral praktisina o dokta.

Long olgeta nupela na olpela sumatin i skruim skul, mi wisim yupela olgeta gutpela kamap long skul bilong yupela long 2012. Mi laik askim yupela long tingim olsem priviles bilong wanpela akademik skolasip wantaim olgeta mani long stretim, i go bek long luksave bilong yupela wanwan long pipel bilong yu, na longpela taim developmen sindaun bilong Westen Provins

*I kam long tebol bilong CEO (Article #4 bilong 2012)*



**CEO: David Sode**

# Luteran evanjelis pikinini lukim moa blesing

**Paulus Tali i raitim**

**PASIN bilong givim em i bikpela samting na ol lida, ol woklain bilong sios na ol kongrikesen memba i mas bihainim wantaim gutpela bel.**

Planti taim, dispela pasin em i hat long bihainim, tasol em i gat ol blesing bilong em we Papa God inap kapsaitim long man i givim helpim pasin.

Wanpela lapun papa bilong Finsafen eria long Morobe provins i bin wok olsem pasto evanjelis long Luteran Sios long Simbu i bin givim gutpela skul long ol pikinini bilong em long pasin givim, na nau i karim kaikai.

Botanuwe Musereke Dong dong husat gat 35 krismas na em yangpela pikinini man bilong lapun Botanuwe, i strong long mekim wok sariti na em i lukim planti blesing bilong Bikman i kapsait antap long em.

Susa bilong em i wok olsem hetmeri long Ridima Peris insait long Yabim Distrik long Morobe provins.

“Mi lukim kain pasin bilong givim. Na em i no samting bilong nau. Em taim mi na bikpela susa bilong mi, em het meri bilong Ridima Peris insait long Yabim Distrik.

“Mipela i givim mani helpim long wanpela kongrikesen long Wantoat na long Puk puk kongrikesen insait long Kaiapit seket long Morobe Provins.

Yangpela Botanuwe i tok, long namba 28 Sinot i bin kamap long Goroka distrik long las mun, em bin wokim liklik maket bilong em long salim buai, na tang kodial na em bin kisim mani long em.

Em bin haiarim bas wantaim wanbel long helpim ol narapela sios lain na ol Kristen long go long Sinot long Goroka, Isten Hailans

Provins.

Long sinot, het tok em “Wokbaut wantaim ol man meri long pasin bilong laikim na givim”I stap long Romans: 12:1-2.

Yangpela Botanuwe i bin amamas tasol long kisim ol sios lain i go antap long sinot.

Taim em harim baibel stadi, em givim tenkyu long God olsem samting em wokim em i lukim kai kai bilong em i kamap long sinot.

Na em tingim i go bek long papa bilong em husat i bin evanjelis long Simbu.

Bipo long 1959, Evangalis Musereke Dong Dong i bin lusim ples bilong em long Teptep, Ukata long Kabwum Distrik na bihainim singaut bilong bikpela Jisas.

Na em i go wok misin long Nomane luteran Seket long Yowai na Ameya insait long Simbu Provins moa long 30 krismas.

Kaikai long wok bilong

lapun Evanjelis Musereke long Simbu eria i kamapim planti save lain long Simbu. Sampela long ol em, namba 2 bisop, bilong Luteran Sios, Reveren Kiage Motoro na Pasti Worenu, Pasto Forenuka, Pasto Guaweba, na moa we lukim moa kai kia bilong senis i kamap long wok we Evanjelis Dong Dong i bin statim planti krismas i go pinis.

Papa Botanuwe i bin mekim wok misin wantaim bel. Em bin givim i go long God, wankain nau pikinini i bihanim.

Long wainkian taim, em i bihanim pasin bilong ol Simbu long tok ples nek bilong ol, ol i kolim “teretere” (givim go kam), o long tokples Kote, ol i kolim “nareng gareng”.

Olsem na yangpela pikinini bilong Evajelis i laik askim ol sios lida long yumi noken tok nating na i no bihanim mak bilong givim.



## Quo Vadis Santu Michael?

SEN Michael Pramerer Skul, Hanuabada, em i namba wan Katolik skul insait long Asdaioisis bilong Pot Mosbi.

Em i stat long yia 1926, bilong helpim ol pikinini bilong asples Papua. I gat Sen Joseph Intanesenel skul bilong lainim pikinini bilong ol waitman.

Inap long tude, Sen Michael long Hanuabada i bin kamapim planti gutpela manmeri i kisim gutpela wok na laip insait na ausait long PNG.

Em i ron gut longpela taim pinis. Tasol long sampela yia i go pinis, samting i senis.

Sapos tude yu kam lukim Elementeri na Lowa Pramerer skul, yu bai no inap bilip olsem wanpela skul i stap. Apa Pramerer i kisim bagarap tu, tasol em i orait liklik.

Lowa Pramerer na elementeri i stap namel long ples (Hanua) stret. Bai yu lukim lapun bilding i stap i no gutpela moa long yusim. Sampela nupela bilding i stap, tasol bai yu lukim, i nogat dua, i nogat windua, dua i stap tasol lok i bagarap. Ol i katim na brukim wara paip, toilet i pulap long ston na narapela rabis. Banis i stap tasol ol i bagarapim.

Klasrum i stap tasol, sapos yu go insait bai yu lukim blekbod i bruk, bai yu painim pekpek bilong man antap long tebol bilong tisa na ol sumatin.

Sampela moning tisa i laik opim dua na ol i painim pekpek bilong man i stap long lok bilong dua. Botol bilong bia na stim i stap nabaut nabaut long plua bilong klasrum, na bai yu painim kondom ol i yusim pinis wantaim wara bilong man i stap long plua o insait long botol. Yu bai painim sospen na paia wut long plua bilong skul, ol i kukim stim o kaikai. Taim tisa i painim ol no tokim ol long noken wokim olsem; ol i tokim bek long tisa olsem, “Em i ples bilong yu a?”

Las yia skul bot i bin autim dispela wari wantaim Motu Koitabu Asembli. Ol i askim bot long singautim kibung wantaim wanwan hauslain o komyuniti long Hanuabada long toktok na painim rot bilong stopim dispela kain hambak pasin. Asples manmeri i bin wokim dispela hambak pasin.

Yangpela, pikinini na bikpela manmeri i kontributim long we bilong ol yet long bagarapim skul. Tupela singaut bilong Bod i holim kibung wantaim haus lain, tasol i nogat wanpela i kamap.

Ol tisa i gat komitmen. Ol i traim hat long skulim pikinini. Tasol dispela hambak pasin bilong as ples i mekim ol i givap long skulim pikinini. Bikos klostu olgeta de, kain kain samting nogut ol i painim long skul eria na insait long klasrum.

Husat wokim rong? Papamama na komyuniti i poinim pinga long tisa na skul bot. Tisa i poinim pinga long skul Bot na sekyuriti i no wokim wok tumas. Skul Bot i poinim pinga long PNC i no wokim wok bilong ol, tasol ol i lusim tingting olsem taim ol i putim pinga long narapela, i gat 4-pela pinga bilong ol yet i poinim long ol yet.

Dispela yia em i fri edukesen. Narapela skul bai amamas bikos ol i gat gutpela klasrum na olgeta samting i stap.

Wanem samting bai kamap long Sen Michael Pramerer skul. Sen Michael bai go we? (Quo Vadis St. Michael?). Yangpela bilong ples (Hanua) i no wari tumas long skul bilding. Ol i no save klia, wanem samting ol i wokim tude, em i bagarapim taim bihain bilong liklik brata na susa bilong em.

Planti manmeri i askim mi, Pater, bai yu pasim Sen Michael Skul a? Mi tokim ol: “Bai mi traim bes bilong mi long larim skul i stap.

“Tasol sapos pasin bilong yupela i no senis, na wanpela de gavman i tok long pasim skul, yupela yet i kamapim dispela sua! Mi laik skul bai i stap.”

# Sios siaman sapatim bia i pas

**Pasto Gendi Mui i raitim**

BIA long Lae siti na ol hap distrik i stap klostu long siti olsem Wampar na Labuta, bai pas yet i go inap long neks yia Janueri 31, 2013.

Dispela disisen bilong Morobe Provinsel Gavman i bihainim asesmen ripot bilong Morobe Lika Laisensing Komisn long tripela mun wea Lae siti i bin i stap aninit long Faiting Zon dikleresen las yia 2011.

Tripela mun Faiting zon i bin pinis long Februari 1, 2012.

Tasol tokaut long tingting bilong provinsel gavman i no kamap yet inap dispela wik. Siaman bilong Morobe Lika Laisensing Komisn, Bob Singoling i tok lukaut long olgeta hap ol i save salim bia bilong olgeta LLG distrit bilong Morobe olsem ol mas bihainim dispela di-



**Mr. Bosieng Emas**, siaman bilong Ridima Luteran Peris long Anta-Malahang.

sisen.

Em i tok wok painim aut long tripela mun i soim olsem sampela ol hap long rural eria i save salim bia i

bin salim bia bilong ol lain long Lae siti.

Em tok dispela pasin i mas stop nau. Long wanem sapos loa i painim husat i

mekim kain pasin, Komisn bai rausim laisens bilong bia long em na tu, peim fain i mekim save inap long K 1,000.

Wanpela lida bilong komyuniti na siaman bilong Ridima Luteran peris long Anta Malahang eria, Bosiang Emas, i tok em i sapatim disisen bilong provinsel gavman long wanem, em i lukim gutpela senis kamap insait long tripela mun taim bia ibin pas.

Em tok, “Famili na komyuniti i stap isi na i nogat planti trabel na nois i kamap long Anta-Malahang eria taim bia i pas. Planti famili i stap gut taim papa i no dring spak na pinisim potnait mani.”

Em i tok, insait long tripela mun, gutpela senis i kamap, olsem na long wanpela yia inap bringim planti senis na blesing tu long ol famili.

# Ol seminari lain i mas strong long skul

OL LAIN i skul long seminari long kamap ol pater i kisim strongpela toktok olsem ol i mas stadi gut.

Pop Benedict 16 i bin tok olsem taim em i toktok long ol seminari na komyuniti long Almo Kolejio Capranica em wanpela daiosis long Rom, long pestode bilong Santu Agnes, em was santu bilong kolis.

Em i tok skul fomesen bilong ol pater i laikim ol long gat gutpela pasin na luksave na tu, stap tru long skul na vokesen bilong ol.

“I mas gat strongpela spiritual na prea laip wantaim God long pesenel na komyuniti level. Laip bilong pater i mas gat bikpela tingting long stap holi na tu, long strong long skul na mekim gut,” Pop

Benedict i tok.

“Sios i gat ol savelain husat i ken glasin na skelim ol samting na dispela em i bikpela samting. “Long wanpela seminari man na yangpela pater i wok long brukim het long stadi, dispela i min olsem traim long skelim bilip wantaim tingting we i narakain wantaim kristieniti. “Tok bilong God i bin

kamap man na trupela pater long toktok i mas kamap long ples klia, sain olsem lait na strong long sapatim Wod o toktok ol givim long yumi.

“Husat i gat ol dispela, kisim skul na trening bilong kalsa i ken kamap gutpela eduketa na promotu lon g lotu na long spirit bilong trupela tok we Jisas i toktok long em long meri Samariten.





**WINIM BIRUA:** Regina Kabrette, wanpela pasindia bilong MV Rabaul Queen i stap nau long Lae na em i stori wantaim pikinini meri bilong em, Rebecca long Angau Memorial Haus Sik. 371 pipel i bin stap long sip taim solwara i daunim em namel long Kimbe na Lae (AAP Poto i kam long AAP Images)

**WANTOK**  
**KOMENTRI**

**‘Em i olsem, na i no stret’**

LAS wik, bikpela namba bilong ol meri, mama na pikinini i lus olgeta taim solwara i daunim MV Rabaul Queen pasindia sip bilong Rabaul Shipping.

Nau, i gat 104 manmeri i lus yet.

Na bilip strong bilong ol lain manmeri husat i lusim ol lain famili long solwara, i stap yet olsem ol i no lus, na i stap laip yet.

Dispela bilip, em i senisim olgeta tingting bilong ol long dispela taim. Ol sumatin i stap long ron bilong dispela sip, i no moa tingting long skul laip bilong ol.

Ol papamama husat i bin lusim pikinini, bai no inap sindaun gut, na i mas i gat pinis bilong dispela. Ol i mas lukim bodi bilong ol lewa ol i lusim.

Bilip bilong ol famili olsem ol wanpinis bilong ol i bin strong na lusim sip bipo em i go daun, em i samting we nogat wanpela samting i ken pasim. Sapos i gat ol lain i tirip na stap laip yet, bikman tasol bai soim ol lain i hatwok long painim i stap.

Na long ol famili husat i no lukim pes bilong ol lewa bilong ol namel long ol savaiva long Lae, bikman i stap wantaim belisi yu mas painim.

Nau, wanpela wik bihain long birua i kamap, ol wanwan manmeri husat i lusim ol famili bilong ol, i wok long stori. Na ol stori bilong ol, i gat inap strong long brukim lewa bilong yu.

Sampela i kisim pinis tok strongim na kaunseling, i tok bikman tasol i save long watpo dispela birua i kamap, na em tasol i ken givim belgut.

I tru, planti bai tok olsem em i birua, em i kamap long solwara, wankain olsem long kar i ron long rot, o long balus i plai antap.

Tasol planti ol pasindia bilong MV Rabaul Queen, i no lukim sip olsem birua. Nogat. Ol i lukim olsem wanpela gutpela rot bilong raun i go kam. Sapos ol inap long baim balus tiket, ol bai kalap long balus. Na sapos i gat bris namel long olgeta ples bilong yumi long kantri, bai ol i ron long kar.

Kantri bilong yumi i wok long bungim birua long kain kain rot. Hevi nau, i no stap long wanpela sindaun tasol.

Na sapos yumi ken painim inap strong, yumi noken tok, ‘em i olsem tasol’.

Yumi mas opim maus nau na tok, wantaim olgeta strong, na bilip bilong yumi, “EM I NO STRET”.

**Chan kliarim toktok long Allied Gold long Simberi**

**MAINING Minista Byron Chan kliarim tok olsem gavman o papagraun bai nonap rausim Allied Gold husat i bosim Simberi Gol Maining Projek long, Simberi, Nu Ailan Provins.**

Chan i mekim dispela toktok bihain long wanpela mausman bilong Simberi Mains Papagraun i mekim toktok long midia olsem maining ministri i tingting long senisim Allied Gold wantaim nupela kampani, tasol dispela em i giaman.

“Dispela tingting bilong rausim Allied Gold long Simberi na putim nupela kampani i stap long Post Courier na dispela toktok bilong Henry Salin, mausman bilong SML 136 papa-

graun em i nogat gutpela evidens na em i no mekim trupela toktok.

“Yes, ol Tabar papagraun i toktok i stap na tingting long painim ol projek patna na divelopa, na mi save long dispela. Na dispela em i kamap wantaim halivim bilong ol bikpela papagraun mausman olsem Simberi Mining Area Association na Tatau na Big Tabar Landowner Association,” Chan i tok.

Em i tok, “Gavman i nogat wanpela bisnis bilong en long dispela kain praivet toktok we Salin i bin mekim. Nomol rot bilong mekim kain samting em tru long gavman sapot na wanbel pasin long olgeta stekholda.”

Chan i tok sapos wanpela divelopa o investa i laik mekim bisnis o painim wei bilong mekim bisnis, em i nomol samting na em i samting bilong ol lain insait yet.

“Wok bilong mi em long lukautim samting bilong gavman na pipel husat i kam aninit long wok bilong mi.

“Olsem na sait long brukim loa, sapos sampela i kamap, wantaim Simberi Gold o ol arapela maining projek long PNG, em i wok bilong mi aninit long loa we mi gat pawa long kam insait na mekim o stretim samting. Mi ken mekim save long ol kampani husat i brukim loa, tasol long sait bilong Simberi dispela i no

kamap.

“Mi laik tokim Salin wantaim ol lain bilong en long 136 olsem i gat liklik asua stap namel wantaim kampani tasol yumi mas sindaun wantaim na stretim. Mi mekim wok bilong mi long salim gavman tim long mekim wok painimaut na mi wetim ripot long kambek.

“Mi givim tok lukaut long Salin na SML 136 papagraun lida long yusim het gut na toktok bikos nogut Simberi kamap olsem Bougainville.

“Dispela i no gutpela samting. Sapos ol SML 136 papagraun i no wanbel, ol i mas tok stret na stetim long wei bilong stretim,” Chan i tok.

**WANTOK**

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

## TOKSAVE BILONG OLGETA BISNIS I SALIM SIMUK

British American Tobacco (PNG) Ltd apim prais bilong olgeta  
PALL MALL simuk long Janueri 16, 2012.

DISPELA EM RAIT PRAIS BLONG SIMUK

	Prais blong wan wan paket	
Pall Mall Red 25's	K13.70	bipo prais K11.25
Pall Mall Blue 25's	K13.70	bipo prais K11.25
Pall Mall Green 25's	K13.70	bipo prais K11.25

Prais bilong ol narapela simuk bai ino nap senis  
sapos yu gat askim  
ringim namba 320 1416

British American Tobacco (PNG) Ltd

### Ekonomi bilong Fiji bai slek liklik long dispela yia

RISEV Benk bilong Fiji i bin putimaut sampela nius nogut long sait bilong ekonomi, we em i ting groa bilong ekonomi bilong kantri bai slek liklik long dispela yia.

Long wanpela wok painim bilong em long mun Janueri, benk i bin tok bai i nogat bikpela wok bilong baim na salim ol samting i kam long ol patna bilong em olsem Australia na Nu Silan na dispela inap kamapim sampela wari.

Na benk tu i bin givim tok lukaut olsem ol wari i kam long ol tait wara las wik long agrikalsa, konstraksen, pawa na wara bisnis bai inap kamap sampela wari tu.

Profesa Biman Prasad hetman bilong Fakulti bisnis na Ekonomik long Yunivesiti bilong Saut Pasifik, i bin tokim Redio Australia ol bagarap tu bilong suga bisnis bihainim ol taitwara bilong las wik bai inap kamapim sampela wari tu.

### Rasia Foren Minista bai go long Syria

FOREN Minista bilong Rasia,

Sergei Labrov, bai go kamap long Damascus, biktaun bilong Syria, long holim toktok wantaim Presiden Bashar al-Assad.

Dispela wokabaut bilong em i bin kamap, sampela de bihain long Rasia wantaim tu Saina, i bin putim tambu long wanpela loa bilong Yunaitet Nesens i bin laik kamapim agensim gavman bilong Presiden Al-Assad.

Niusman bilong British Broadcasting Corporation, Daniel Stanford, i bin ripot dispela raun i sans bilong Rasia long soim olsem em i gat gutpela tingting long stopim ol pait na trabel wok long kamap nau long Syria.

Foren Minista bilong Rasia, Sergei Lavrov i no bin tokaut klia long wanem ol samting em i traim long kamapim long miting bilong em wantaim Presiden Assad long Demaskus na i bin tok olsem dispela wokabaut bilong em i bin bihainim askim bilong Presiden bilong em.

Tasol em i bin tok klia olsem, Rasia i gat wanpela tingting tasol em long ol pipel bilong Syria na i no ol ausait lain long tokim ol husat tru bai i mas Presiden bilong Syria.

# OL WOKMANMERI BILONG PNGIMR I BIN LUS LONG TAIM BILONG WOK

HUSAIT MAN O MERI I GIVIM TRUPELA NA STREPELA TOKTOK BILONG PAINIM OL DISPELA PAIPELA WOKMANMERI BILONG PNGIMR I LUS BAI KISIM

## K30,000.00

PRAIS MONI

PLIS RINGIM

PNGIMR LONG 525 0943 / 532 2800 OR  
KIMBE POLIS LONG 983 5075

SAPOS YU GAT O SAVE LON SAMPELA TOKTOK BILONG OL LAIN I LUS



LEONARD VAVANA



GIBSON GIDEON



GEORGE DOGOYA



TANIA OAKIVA



LYDIA PETRUS



PNG INSTITUTE OF  
MEDICAL RESEARCH

OLGETA TOKTOK YU GIVIM BAI I STAP HAIT. MIPELA INO INAP TOKAUT LONG NEM BILONG YU WANTAIM FON NAMBA NA PLES BILONG YU.

# WOLNIUS LONG POTO..



OL pisan bilong Pakistan i yusim ol kren bilong pulim rausim wanpela welsak i dai pinis long ol wara long pis haba long Karachi long Tunde. Dispela welpis, hevi bilong en i namel long 6 na 7 tan. Em i dai na tirip i stap long Arabian Si long nambis siti bilong Karachi.

## Ais karamapim Venis lagun

WANPELA bot i ron antap long ais long Venis lagun long Mande dispela wok. Bikpela kol i karamapim Yurop, na planti handret laip i lus pinis, na trenspot sevis i no wok. Planti hap i nogat pawa.



## Ol poro sindaun

WANPELA mangi i sindaun wantaim tupela poro dok bilong en long wanpela hap fom we haiwara i klostu daunim long sauten Kwinslen taun bilong St George long Februari 4, 2012.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan VitZ
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Taim bilong malolo na amamas pinis

Nicky Bernard i raitim

SKUL i stat gen nau na taim bilong malolo i pinis. Ol pikinini kisim gutpela na long-pela taim long malolo, pilai, raun, na stap wantaim famili.

Long taim bilong mal-

olo bilong ol, planti gat stori long stori long ol wan skul bilong ol long wanem samting ol mekim long skul malolo na Krismas na Niu yia. Planti bilong ol i stap long sampela bikpela taun long kantri go long liklik ples bilong ol,

sampela husat papa-mama bilong ol i wok na kisim malolo long krismas na nu yia, na bihain ol papamama go long ples bilong ol. Sampela husat i stap tasol long wanem hap ol stap long en, ol tu gat amamas bilong ol, dis-

pela amamas bilong ol stori bilong em bai bikpela moa long skul ples. Skul tu em ples bilong amamas taim yu no lukim wan skul bilong yu longpela taim, dispela amamas bai mekim olsm ol de bilong skul bai ron hariap.

Dispela wik, skul bai isi isi long stat gut long wanem planti ol pikinini bainim ol yunifom na sampela samting bilong skul, dispela ol samting tu ol pikinini bai amamas long en.



Holide pinis.. Taim long kilim skin long kisim save..

YUMIFM National Weekly Hit Parade: Produced & Host by: Kasty. Table with columns: Week Before, Last Week, This Week, Charting Song, Artist.

EMTV Television Guide

FONDE 9 FEBRUERI, 2012
5.00 AM G JOYCE MEYER.
5.30 AM G TODAY
8.30 AM BROADCAST
12.00 AM EMTV MIDDAY NEWS AUSTRALIAN NETWORK

9.03 PM GTBA
10.30 PM G NATIONAL EMTV NEWS REPLAY
11.30 PM - Australia Network -
FRAIDE 10 FEBRUERI, 2012
5.00 AM G JOYCE MEYER.
5.30 AM G TODAY
9.00 PM BROADCASTS

11.00 PM G OF RECORD NATIONAL EMTV NEWS REPLAY
11.30 PM - Australia Network -
SARERE 11 FEBRUERI, 2012
6.59 AM STATION OPEN
7.00 PM ULTIMATE GUINNESS WORLD RECORDS

7.30 PM LEGEND OF THE SEEKER: A CAPTIVATING ACTION-ADVENTURE TV SERIES
8.30 PM DESPERATE HOUSE WIVES:
9.30 PM SOCCER REPLAY
11.30 PM NATIONAL EMTVNEWS REPLAY
SANDE 12 FEBRUERI, 2012
6.29 AM STATION OPEN
6.30 AM G IT IS WRITTEN

God's word with people around the world.
7.00 AM G HILLSONG
8:00 AM G NAMASTE YOGA:
8:30 AM G BLISSFUL BLOSSOM AUSTRALIAN NETWORK
8:15 AM G AUSTRALIAN NETWORK
10:00 AM G RESOURCE PNG (REPEAT)
11:00 AM G AUSTRALIAN NETWORK
1.00PM ONE DAY CRICKET -

# TORO



# BIABIA



# KANAGE



# TOKWIN

## Yumi lainim pinis o nogat?...

MV Rabaul Queen i kapsait i soim klia olsem yumi no lanim gut we i asua o nogat asua. Mani tasol i wok long bagarapim yumi. Sapos yumi lukim olsem klaut i pairap na solwara i bagarap tru, yumi save olsem i no seif tru long kalap long sip, dingi o raun long solwara. Wankain long balus na kar. Yu save olsem bikpela ren i kapsait na i hat long lukluk long rot, o draiva i spak tru, noken sigirap na karim ol pasindia na draiv i go long haiwe.

Yumi no lainim yet na kainkain birua wok long kisim yumi. Wanpela yia i go pinis bikpela eksident i kamap long Hiritano haiwe we planti dai kamap. Long las yia, balus i pundaun na planti i dai. Tupela wik i go pinis graun i bruk na planti i dai. Las wik tasol na sip i kapsait na planti i lusim laip. Dispela asua bai gohet yet i go inap yumi lainim wanem em gutpela na wanem em nogutpela. Yumi bai givim moa hetpen long gavman long spendim moa mani long disasta na long karim gutpela sevis i kam long ples.

## Pawalain i paia....

Wanpela pawalain i paia klostu long unda tanol long Waigani draiv i


kamapim bikpela pret long ol manmeri i sanap wetim bas klostu long RSPCA banis. Wanpela Tolai man i pas long mobail pon long iau bilong em i no save olsem pawalain i paia na wokabaut stret i go long dispela pawalain. Laki na mipela olgeta manmeri i singaut na tromoi han long lukim pawalain, tasol man yah i ting mipela i weiv long em na em woklong paul i stap. Taim em lukim han bilong mipela i poin long pawalain, бага em tanim na ron olsem wanpela liklik mangi i no save wanem hap em go. Laip yah!!

*Tokwin Tasol....*




Pointe ol nem bilong ol spot bilong yumi PNG:

RAGBI LIS	RAGBI YUNZON	RAGBI TAS	SOKA
SOFBOL	NETBOL	VOLIBOL	WETLIFTING
BODI BILDING	ATLETIKS	GOLF	DATS
SRIKA	SUTING	TEBOL TENIS	SEFING
RANDING	HOKI	BASKETBOL	KIKBOKSING
KARATE	TAEKWONDO	JUDO	



Ansa bilong las wik Sudoku

Ansa bilong las wik Pasol



# EMTV Television Guide

<p>5:00 PM AUSTRALIA vs. INDIA PACIFIC WAY</p> <p>6:00 PM NATIONAL EMTV NEWS</p> <p>6:30 PM ONE DAY CRICKET - AUSTRALIA vs. INDIA LOVE PATROL</p> <p>9:00 PM PGR MOVIE:PIRATES OF THE CARRIBEAN (The Curse of the Black Pearl) This swash-buckling tale follows the quest of Captain Jack Sparrow, a savvy pirate, and Will Turner, a resourceful blacksmith, as they search for Elizabeth Swann. Elizabeth, the daughter of the governor and the love of Will's life, has been kidnapped by the feared Captain Barbosa. Little do they know, but the fierce and clever Barbosa has been cursed. He, along with his large crew, are under an ancient curse, doomed for eternity to neither live, nor die. That is, unless a blood sacrifice is made. Starring; Johnny Depp and Orlando Bloom.</p> <p>11:00 PM G CHIT CHAT(Repeat)</p>	<p>11:30 PM G HILLSONG(Repeat)</p> <p>11:35 PM G NATIONAL EMTV NEWS REPLAY</p> <p>00:35 AM - Australia Network -</p> <p><b>MANDE 13 FEBRUERI, 2012</b></p> <p>5:00 AM G ENJOYING EVERYDAY LIFE WITH JOYCE MEYER.</p> <p>5:30 AM G TODAY</p> <p>9:00 AM 2012 - CLASSROOM BROADCAST -Begins for the Year 2012</p> <p>12:00 AM EMTV MIDDAY NEWS</p> <p>12:30 PM AUSTRALIAN NETWORK</p> <p>3:00 PM KIDS KONA</p> <p>3:00 PM HI-5</p> <p>3:30PM PYRAMID</p> <p>4:00 PM THE SHAK</p> <p>4:30 PM KITCHEN WHIZ</p> <p>5:00 PM HOT SOURCE</p> <p>5:30 PMMILLIONAIRE HOT SEAT.</p>	<p>6:00 PM G NATIONAL EMTV NEWS</p> <p>7:00 PM RESCUE SPECIAL OPS</p> <p>8:00 PM G TOK PIKSA Looking back at News and stories makings headlines in the country</p> <p>8:30 PM G SPORTS SCENE - Starts for the Year 2012.</p> <p>9:00PM G DAYS THAT SHOOK THE WORLD:</p> <p>10:00 PM G NATIONAL EMTV NEWS REPLAY</p> <p>11:30 PM - Australia Network-</p> <p><b>TUNDE 14 FEBRUERI, 2012</b></p> <p>5:00 AM G JOYCE MEYER.</p> <p>5:30 AM G TODAY</p> <p>9:00 AM 2012 - CLASSROOM BROADCAST</p> <p>12:00 AM EMTV MIDDAY NEWS</p>	<p>12:30 PM AUSTRALIAN NETWORK</p> <p>3:00 PM KIDS KONA</p> <p>3:00 PM HI-5</p> <p>3:30PM PYRAMID</p> <p>4:00 PM THE SHAK</p> <p>4:30 PM KITCHEN WHIZ</p> <p>5:00 PM HOT SOURCE</p> <p>5:30 PM MILLIONAIRE HOT SEAT.</p> <p>6:00 PM G NATIONAL EMTV NEWS</p> <p>7:00 PM G HAUS &amp; HOME #1</p> <p>8:00 PM G DAYS THAT SHOOK THE WORLD:.</p> <p>9:00 PM G TBA</p> <p>10:00 PM G NATIONAL EMTV NEWS REPLAY</p> <p>11:00 PM-Australia Network-</p> <p><b>TRINDE 15 FEBRUERI, 2012</b></p> <p>5:00 AM G JOYCE MEYER.</p>	<p>5:30 AM G TODAY</p> <p>9:00 AM CLASSROOM BROADCASTS</p> <p>12:00 PMEMTV MIDDAY NEWS</p> <p>1:00 PM AUSTRALIA NETWORK</p> <p>2:00 PM G ONE DAY - AUSTRALIA / SRI LANKA</p> <p>Perth - Western Australia</p> <p>4:45 PM EMTV TOKSAVE</p> <p>5:55 PM G CRIME STOPPERS</p> <p>6:00 PM G NATIONAL EMTV NEWS</p> <p>6:30 PM G ONE DAY CRICKET - INDIA vs. SRI LANKA - Perth</p> <p>10:00 PM G THE WORLD AROUND US</p> <p>11:00 PM NATIONAL EMTV NEWS REPLAY</p> <p>11:30 AM - Australia Network -</p>
---	--	--	--	--

Program bai senis long taim bilong en..



# Raun wantaim Kanage olgeta wik



# Mi raun wantaim wanpela marit man.

**Dia Laipain,**  
 MI painimaut olsem man mi raun wantaim i gat meri. Na mi no bilip long lav bilong ol man husat i marit pinis. Tasol mi gat bikpela laik long em na mi laikim bai mitupela i serim laip wantaim. Yu ting olsem wanem? Em orait long mi raun wantaim man ya o mi tokim em long lusim mi.

**Confused**  
**Dia Pren,**  
 Yu gat bikpela laik pasin long wanpela man husat i marit pinis long meri we i gat wankain piling olsem yu. Mipela i luksave long ol manmeri husat i save painim isi long gat laik pasin long narapela na long ol manmeri i save painim hat tru long lusim ol. Mipela i laikim olsem yu mas lukluk long dispela na skelim gut pastaim, nogut yu gat bel we yu no laikim



pikinini long en sapos em i tru olsem dispela man em i stap pas wantaim meri na famili bilong em. Yu mas save olsem sapos yu gat wanpela pikinini i nogat papa, bai yu bungim bikpela hevi sapos yu nogat gutpela wok na haus long lukautim pikinini bilong yu. I gat planti man husat i gat wankain krismas olsem yu we yu ken poromanim na bihain taim, i ken maritim yu na karim ol pikinini olsem blesing God papa i givim. Em bai gutpela sapos yu na pren bi-

long yu wantaim meri bilong em i mas lus tingting long dispela pren pasin na yu helpim dispela man long stap gut wantaim meri bilong em na lukautim em.

Serim dispela wantaim wanpela famili man o meri husat yu ting olsem yu ken trastim o askim pasto long givim yu ol gutpela stiatok na tu, pre long yu.

**Tenkyu tru, Mi Laipain**

**Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.**

**Laipain**

**NEM:** Kisip Kembo  
**KRISMAS:** 19 (man)  
**ADRES:** ST. John De Baptist Primary School, P.O. Box 220, Kerema Gulf Provins  
**SAVE LAIKIM:** Pilai spots, watsim muvi, go Lotu, ridim buk na mekim pani

**NEM:** Isaiah Bonga  
**KRISMAS:** 28 (man)  
**ADRES:** P. O. Box 407, Popondetta, Oro Provins  
**SAVE LAIKIM:** Pilai Voli bol, Tas ragbi, pilai gita, lukluk TV( NRL), raitim pas, mekim na go Lotu

**NEM:** Rian Monghongho Alphonse  
**KRISMAS:** 18 (man)  
**ADRES:** Aniep Village, C/- ST. Mary's, P.O. Box 125, Leitre, Vanimo, Sandaun Provins  
**SAVE LAIKIM:** Harim musik, pilai soka, voli-bol, basketbol, go Lotu na mekim pren

**NEM:** Anestine Funumari  
**KRISMAS:** 18 (meri)  
**ADRES:** Notre Dame Secondary School, P.O. Box 164, MT Hagen, WHP  
**SAVE LAIKIM:** Ridim Baibel, singsing, harim musik, pilai basketbol, netbol, mitim ol poroman na lukluk TV.

**NEM:** Koron Amun  
**KRISMAS:** 25 (man)  
**ADRES:** P.O. Box 3079, Lae, Morobe Provins  
**SAVE LAIKIM:** Harim musik, pilai Kompyuta, ridim buk na mekim pren

**NEM:** Kaiya Yoan  
**KRISMAS:** (man)  
**ADRES:** C/- Bema Primary School, P.O.Box 37, Kerema Gulf Provins  
**SAVE LAIKIM:** Pilai soka, mekim Jokes na pilai volibol wantaim ol poroman

**NEM:** Ruben Yawa  
**KRISMAS:** 18 (man)  
**ADRES:** Muli Primary School, P.O. Box 69, Mendi, SHP  
**SAVE LAIKIM:** Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

**NEM:** Stanson Petiti  
**KRISMAS:** 20 (man)  
**ADRES:** C-/ BSC ANZ Bank ( PNG) Ltd, P. O. Box 1152, Port Moresby NCD Papua Niugini  
**SAVE LAIKIM:** Pilai Gita, ridim Baible, mekim fani na stori wantaim ol poroman

**NEM:** Joel Kenis Amaekam  
**KRISMAS:** 29 (man)  
**ADRES:** Huon Gulf, Lae 411, P.O. Box 164 Lae, Morobe Provins  
**SAVE LAIKIM:** Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

**NEM:** Anne Mary Yuwei  
**KRISMAS:** 21(meri)  
**ADRES:** Pes Primary School, P.O. Box 36, Aitape, Sandaun Provins  
**SAVE LAIKIM:** Pilai soka, Volibol, mekim pani, go Lotu, harim musik na watsim TV.

# Chan: PNG laik Joinim EITI

Aja Alex Potabe i raitim

**PNG Gavman i nau tingting long joinim Ekstrektiv Indastris Trens-parensi Inisietiv (EITI) bihain long em i skelim olsem ol EITI memba kantri i yusim gut ol nesenel winmani i kam long wel, ges na maining projek.**

Makim maus bilong gavman, Maining Minista Byron Chan i tok, gavman i nau redi long wokbung wantaim ol kampani, sivil sosaeti, investa, papagraun na tu wantaim EITI Sekreteriat long Oslo, Norway.

Chan i tokaut las wik Fonde long EITI woksop bung long Gateway Hotel, Mosbi: "Mi amamas long tokaut long sampela senis mipela i mekim long Maining Polisi na Main-ing Act 1992 long larim PNG i

kamap memba kantri biong EITI.

"Mipela i senisim seksen 161 bi-long Maining Act 1992 long larim ol maining kampani i tokaut long hamas mani ol i peimaut long gavman, na papagraun. Gavman tu bai tokaut long pablik hamas ol i kisim long kampani na olsem wanem ol bai yusim dispela mani bihain long ol i sekim gut hamas kampani i givim."

"Sivil sosaeti olsem Trens-parensi Intenesenel (TIPNG) bai putim ai gut na sekim olsem wanem gavman i yusim dispela mani. EITI save gat planti stekholda na dispela olgeta stekholda bai wokbung long kamapim pasin, we em bai stopim pasin korapsen na stil pasin kamap long pablik sekta," Chan i tok.

Em i tok 80 pesen bilong olgeta graun long PNG i kamapim wok maining, na mani i kam long dispela maining na petroleum projek bai nonap lus sapos gavman i putim dispela kain gutpela polisi long pait agensim pasin korapsen.

Long dispela woksop, sampela manmeri i bin makim maus bilong ol kampani, gavman na sivil sosaeti long Timor-Leste, na ol i bin kam skelim save bilong ol long olsem wanem ol i bin kamapim EITI long kantri bilong ol, na skelim tu ol gutpela samting we EITI i save karim kam long kantri long yusim nesenel winmani gut long stretpela we.

Sekreteri bilong Natural Risos bilong Timor-Leste Gavman, Elda Guterras da Silva i tok, gavman bilong Timor-Leste i bin painimaut

olsem EITI em wanpela namba wan polisi long yusim gut mani i kam long wel, ges na maining projek.

Em i salensim PNG gavman long stretim ol pepa wok hariap na givim long EITI Sekreteriat long Oslo, Norway bikos planti maining na petroleum projek long kantri i mas luksave long EITI na gavman mas kisim mani gut long karim ol sevis go daun long pipel stret.

Dokta Sam Bartlett bilong EITI Sskreteriat long Oslo, Norway i amamas long PNG i tingting long joinim EITI bikos yumi gat planti maning na petroleum projek i kamap nau yet.

"Mi amamas stret long harim PNG laik joinim EITI. Pinis bilong dispela yia, 45 kantri bai kamap

memba bilong EITI na mi amamas stret long PNG na Solomon Ailan i laik joinim.

"Korapsen Pesepsen Indeks (CPI) i soim pablik sekta korapsen long PNG em antap tru. Sapos gavman i no senisim ol sistem, bikpela mani i kam long wel, ges na maining bai lus nating long nem bilong pasin korapsen. Olsem na EITI Sekreteriat long Oslo i redi long halivim gavman bilong PNG," Dokta Bartlett i tok.

Em i tok gavman, kampani, investa na sivil sosaeti mas wokbung long kamapim EITI karim gutpela kaikai long PNG, bikos wanpela taim wel, ges, na gol i pinis taim, kantri i ken ron gut wantaim ol mani gavman i kisim aninit long EITI pasin.

## UK sapatim EITI long PNG

GAVMAN bilong Yunaited Kingdom (UK) i sapatim PNG na Solomon Ailan long kamapim Ekstrektiv Indastris Trens-parensi Inisietiv (EITI) long yusim gut mani i kam long wel, ges na maining projek.

EITI em i wanpela stendet we ol kampani, gavman, investa, na sivil sosaiti i save wokbung long rausim pasin korapsen na promotim trupela pasin long wel, ges na maining bisnis, we gavman bai soim ripot long hamas winmani em i save kisim long kampani, na tu kamapani bai tokim pablik hamas mani em i givim gavman.

Planti taim nesenel winmani i kam long ol maining, wel na ges projek i save lus long han bilong ol gridi gavman, na tu ol kamapani husat i gat maining, wel na ges bisnis i no save peim mani gut

long ol gavman.

Britis Hai Komisina, Jackie Barson i tok, ol maining, wel na ges projek pinis taim, ol pipel bai kisim bikpela taim, na kantri i ken bagarap sapos kampani i no peim gut gavman takis, royalti na ekwiti mani, na tu sapos gavman i paulim sampela winmani i kam long ol projek, o i no tokaut long hamas ol i save kisim long maining, wel na ges projek.

Long stopim dispela kain pasin, Britis Gavman i bin lonsim EITI long 2002 World Summit na bihain long dispela, planti kantri husat i gat maining, wel na ges projek i bin amamas stret long kamap memba bilong EITI bikos ol i bin lukim olsem em wanpela gutpela samting long larim stretpela pasin i kamap.

"EITI em i gutpela long PNG bikos nau planti maining, wel na ges projek

i kamap long kantri. Dispela kain samting i no bin kamap na, maski PNG i gat planti ol bikpela maining, nogat wanpela gutpela samting i bin kamap long kirapim kantiri," Mis Barson i tok.

Em i tok dispela i nau groa, na moa long 35 kantri i joinim pinis EITI. Astralia, Amerika, Kanada, UK, na o arapela Yuropean kantri tu joinim EITI pinis bikos ol i skelim em gutpela long gavman, kamapani na pipel i wokbung wantaim.

"PNG na Solomon Ailan gavman i mekim gutpela disisen long kamap memba bilong EITI. Dispela i ken stopim stil pasin na pasin korapsen, tasol larim ol kampani, gavman na sivil sosaiti i wokbung long yusim gut mani i kam long wel, ges na maining projek," Barson i tok.

### EITI halivim PNG...



Ekstrektiv Indastris Trens-parensi Inisietiv (EITI) i ken halivim PNG gavman daunim pasin korapsen na yusim gut ol nesenel winmani i kam long planti maining na petroleum projek long kantri. Ol maining na petroleum kampani tu bai soim long pablik hamas ol i save peim long gavman. Wantok Fail Poto i soim masin wok long wol-klas Porgera Gol Maining Projek long Enga Provins.

## Chan strongim bilip long PNG

PNG i gat wanpela gavman tasol na O'Neill-Namah Gavman em i wanpela gavman tasol husat i kisim luksave pinis.

Maining Minista Byron Chan i tokim ol foren delegesen i kam long Timor-Leste, Australia, UK, na Norway, long harim EITI woksop long Gateway Hotel long noken poret long

displea politikel kraisik bikos PNG i gat wanpela stebel gavman pinis.

"Olsem Maining Minista, mi laik tokim olgeta manmeri husat i nau stp hia, olsem nau yumi gat wanpela gavman tasol husat i kontrolim PNG. O'Neill-Namah gavman i kisim luksave pinis long Pa b l i k Sevis, ami, polis, na CIS,

praivet sekta, jeneral pablik na intenesenel komyuniti olsem Australia na New Zealand.

"O'Neill-Namah gavman i yusim pawa bilong pipel long palamen long senisim pastaim gavman husat i tingting long pasin korapsen na lus tingting long pipel.

"Dispela kain pasin nogut

bilong ol i kamap ples klia taim ol i laik yusim ami na polis long kisim pawa, taim Suprim Kot i no tokaut yet konstitusenel refrens bilong bilong O'Neill-Namah gavman long painimaut sapos O'Neill o Somare gavman em tru tru gavman.

"Mi askim yupela olgeta manmeri i kam long arapela kantri long noken pret

bikos. Yupela i ken mekim wok o bisnis bilong yupela bikos ol pipel bilong PNG i save yusim het na mekim samting gut. Ol i bin lukluk na stap isi tasol long laspela tupela mun taim politikel hevi namel long

O'Neill na Somare i go bikpela.

"Mipela bai stretim dispela hevi namel long mipela yet na wokbung gen olsem brata," Chan i tok.

# PNG LNG Projek givim K179,000 long Salvation Army

**Aja Alex Potabe i raitim**

ESSO Highlands Limited (EHL), opereta bilong PNG LNG Projek, i givim K179,000 (US\$65,000) long Papua Niugini Salvation Army long sapatim ol wok halivim long Tumbi bihain long bikpela graun bruk birua i bin karamapim 26-pela manmeri, gaden kaikai na haus.

Dispela mani mak i karamapim tu K41, 000 (US\$15,000) EHL i bin givim las yia long Salvation Army Red Sil Apil.

Salvation Army bai yusim dispela mani long sapatim ol manmeri long Hides eria, we graun bruk i bin bagarapim laip bilong ol.

Peter Graham, Menesing Dairekta bilong EHL i tok, olgeta tingting bilong olgeta wok manmeri bilong EHL na ol kontrekta tu i stap wantaim ol manmaeri husat, graun bruk i bin bagarapim laip bilong ol.

"Dispela em i taim

nogut we ol famili long dispela eria i kraik long ol lain na poroman bilong ol, husat i bin lusim laip long dispela graun bruk. Sapat bilong mipela long Salvation Army bai go long halivim ol dispela famili," em i tok.

"Taim birua i painim manmeri long hap, mipela i halivim ol pinis wantain kar, kaikai na mekim ol sel haus, na mipela bai sapatim gavman na komyuniti yet. Miplea stap redi na amamas long halivim gavman long wokbung long stretim dispel hevi," Graham i tok.

Major Rex Johnson, Sekreteri bilong ol Progam bilong Salvation Army i tok, "Mipela i amamas stret long EHL i sapatim mipela long dispela wei. Dispela halivim bai larim Salvation Army long karimaut disasta menesmen na wok rilif long gutpela na strongpela wei. Mipela i beten long ol manmeri husat i lusim ol lain na poroman bilong ol long dispela birua."



**HALIVIM... (L-R)** Esso Highlands Ltd Menesing Dairekta Peter Graham, sanap wantaim Kepten Bernard Kila bilong Salvation Army na Trevan Clough. **Poto: EHL Pablik Rilesens**

# Laga kamapim planti PNG Prodak

**Nicky Bernard i raitim**

LAGA Industri long Papua Niugini i kamapim planti ol samting ol yet save mekim.

Planti long ol dispela samting nau i stap long ol bikpela na liklik stoa insait long kantri.

Biknem Gala Gala aiskrim em wanpela bilong ol dispela samting ol yet save mekim, dispela nem save pulim planti long ol pikinini.

Laga Industri i kamap wantaim sampela moa samting we fektori bilong ol long Lae i save mekim, ol dispela samting em. SunRipe, em wanpela pauda jus we bai yu miksim wantaim kolwara na bai yu dring, ol tu mekim

wanpela nupela kuk wel bilong kukim kaikai. Dispela olgeta samting ol yet mekim long kantri bilong yumi.

Laga Industri na sampela bikpela kampani i wok strong nau long kamapim planti ol samting insait long Papua Niugini yet. Dispela bai helpim tru ol liklik bisnis manmeri husat i gat stoa bai no inap wet long ol kago bilong stoa bilong ol na tu mani bai tamblo liklik long ol samting yumi save kisim long ol narapela kantri.

Laga Industri i gat tupela bikpela fektori, wanpela long Lae na narapela long Pot Mosbi, dispela tupela fektori save bisi stret long mekim ol dispela samting.



Eva Wambriwari, putim gala gala kep wantaim wan wok bilong em i soim ol samting Laga Industri save mekim long wanpela tred so bilong ol. **Poto Nicky Bernard**



## LONG VOT LONG 2012 ILEKSEN

Lukim Provinsal Ileksen Menesa long givim nem bilong yu long Ilektoral Rol tude!

### HAILANS RIJEN



**Mista Steven GORE**  
Ileksen Menesa – Simbu  
Telepon: (675) 535 1204



**Mista Alwyn JIMMY**  
Ileksen Menesa – Isten Hailans  
Telepon: (675) 532 1151



**Mista Johnson LEVI**  
Ileksen Menesa – Sauten Hailans  
Telepon: (675) 549 1378



**Mista Henry KYAKAS**  
Ileksen Menesa – Enga  
Telepon: (675) 547 1144



**Mista Philip TELEPE**  
Ileksen Menesa – Westen Hailans  
Telepon: (675) 542 2349



**Mista Sponsa NAVI**  
Ileksen Menesa – Hela



**Mista Sale BUNAT**  
Ileksen Menesa – Jiwaka

### MOMASE RIJEN



**Mista Simon SINAI**  
Ileksen Menesa – Morobe  
Telepon: (675) 472 3116



**Misis Emily K. SIAMOLI**  
Ileksen Menesa – Madang  
Telepon: (675) 422 2644



**Mista Kila RALAI**  
Ileksen Menesa – Is Sepik  
Telepon: (675) 456 2090



**Mista Martin ANSKAR**  
Ileksen Menesa – Wes Sepik  
Telepon: (675) 457 1178

Go long Distrik Opis, LLG Opis, o lukim Wod Kaunsela bilong yu long sekim sapos nem bilong yu i stap long Ilektoral Rol.





**Liklik Bisnis...**



Kaukau na banana bilong Rosie Gibson, ol kaulau na pateto bilong em save kam long Hagen nabanana bilong em save kam long Sentral. Rosie save maket long Renbo long Gerehu.



# LONG VOT LONG 2012 ILEKSEN

Lukim Provinsal Ileksen Menesa long givim nem bilong yu long Ilektoral Rol tude!

## NIUGINI AILANS RIJEN



Mista Terence HETINU  
Ileksen Menesa  
- Is Nu Briten  
Telepon: (675) 982 8357



Mista Joap VOIVOI  
Ileksen Menesa  
- Wes Nu Briten  
Telepon: (675) 983 5484



Caretaker  
Ileksen Menesa  
- Manus  
Telepon: (675) 970 9494



Mista Edward KONU  
Ileksen Menesa  
- Nu Ailan  
Telepon: (675) 984 2317



Mista Reitana TARAVARU  
Ileksen Menesa  
- Buka  
Telepon: (675) 973 9369

## SAUTEN RIJEN



Mista Cyril RETAW  
Ileksen Menesa  
- NCD  
Telepon: (675) 321 2053



Mista Killa EGABA  
Ileksen Menesa  
- Sentral  
Telepon: (675) 321 2053



Mista David WAKIAS  
Ileksen Menesa  
- Oro  
Telepon: (675) 329 7167



Mista Peter MALAIFEOPE  
Ileksen Menesa  
- Westen  
Telepon: (675) 654 9307



Mista Dadu DAGA  
Ileksen Menesa  
- Milen Be  
Telepon: (675) 641 0355



Mista Tore POEVARE  
Ileksen Menesa  
- Galp  
Telepon: (675) 648 1074

Go long Distrik Opis, LLG Opis, o lukim Wod Kaunsela bilong yu long sekim sapos nem bilong yu i stap long Ilektoral Rol.



# Kaukau maket strongim meri Pangia

**Nicky Bernard i raitim**

KAUKAU maket em wanpela liklik binis bilong ol meri Hailans husat save stap long ol bikpela taun insait long kantri bilong yumi Papua Niugini.

Rose Gibson, em wanpela meri Pangia long Sauten Hailans, em kam stap long Mosbi wantaim man bilong em, man bilong em i wanpela teksi draiva insait long siti.

Rose askim man bilong Rose i givim em bilong K80, na Rose i go baim wanpela bek kaukau long Gordons. Dispela wanpela bek kaukau i karim Rose long maket bilong em inap siks pela yia nau.

Dispela meri Pangia i no tanim baksait long liklik bisnis bilong em. Taim kaukau bilong em i mekim liklik mani, em stat long baim ol kon, tapiok na banana long ol lain husat save kam long Hiri Tano haiwe.

Rose tokim *Liklik Bisnis* olsem, dispela wok o bisnis em hat wok liklik, tasol sapos yu no mekim

bai yu no inap stap long dispela kain bikpela siti olsem.

"Mi gat 3-pela pikinini nau, na dispela liklik bisnis bilong mi helpim mi na famili bilong mi, man bilong mi save draivim teksi, em no save mekim gut mani long teksi wok bilong em," Rose i tok.

Em tok tu olsem sampela taim ol prais bilong bek kaukau save senis, sapos kaukau i sot, o ol lain long Hagen i no salim kam, ol save baim long K180 o K200, dispela save senisim prais bilong ol tu long maket bilong ol.

Roes gat ol kastoma bilong em long Renbo na Gerehu, sampela taim em save givim diskaun long ol taim ol go baim kaukau o ol gaden kaikai long em.

"Mi save baim ol maket bisnis kaikai bilong mi long tupela hap tasol. Hagen em kaukau na poteto na Hiritano em kon, banana na tapiok, na mi save olsem mi no wetim mani bilong mi, long wanem mani mi gvim mi helpim ol man-meri bilong yumi PNG na dispela mani stap long yumi yet," Rose i tok.

# GLASIM RAMU NiCo PROJEK

Wanpela Ramu NiCo, Wanpela Komyuniti



## Ramu NiC promotim rais prodaksen olsem fud sekuriti

**W**ILLIAM Wageng em wanpela ples man bilong Bongu viles long Astrolabe Be eria long saut kos bilong Madang provins.

Em i marit na i gat 3-pela pikinini na em wanpela smatpela man blong wok gaden olsem na long ples bilong em long Bongu, ol i makim em olsem agrikalsa siaman.

Long las wik Fonde, William i bin askim ol ofisa bilong Ramu NiCo long mekim lukluk raun i go long rais gaden bilong em. Dispela gaden em William yet wantaim femili bilong em i planim na klinim gut tru na i kisim rais. Ol rausim sampela rais pinis na pulumapim long beg na redi long go milim na kisim wait rais long kukim na kaikai.

Meri bilong William em Rudy na dispela mama i save wok hat tru long klinim gaden bilong ol olgeta taim, na tru tumas taim ol agrikalsa ofisa bilong Ramu NiCo i opim ai bilong ol stret olsem wan-hekta rais gaden bilong ol i klin tru na nogat gras i gro insait long ol.

Dispela yangpela man William i yusim save bilong em yet long groim rais long strongim fud sekuriti na tu long yusim rais olsem wanpela gaden kaikai we i ken sapotim saplai bilong kaikai long helpim sindaun bilong femili bilong ol.

Bihain long ol ofisa bilong Ramu NiCo i go lukluk raun long rais gaden bilong William, ol i helpim ol sampela ol rais famas long karim ol beg rais ol i putim long haus i stap long karim i go long mil long Madang long DPI ofis long rausim skin long kisim wait rais.

Ramu NiCo insait long Komyuniti Afes Dipatmen bilong en i wok long sapotim ol agrikalsa wok namel long ol smolholda o sabsisten famas long ol eria long Astrolabe Be we paipain bilong Ramu NiCo Projek i ron long en.

Ol Ramu NiCo ofisa bilong CA dipatmen i wok tu long ol arapela projek impekt eria stat long Kurumbukari (KBK) i kam long Maigari em long Inlen paipain eria i kam bai long Kostal eria we em

ples olsem Erima, Lalok, Bongu i go olsem long Kumisanger. Ol smolholda famas long dispela ol ples i kisim skul wantaim ol didiman long Madang wantaim sapot i kam long Ramu NiCo.

Ramu NiCo, em bikpela kampani we i stap nau long developim nikel maining projek insait long Madang provins. Tasol insait long wok bilong en long komyuniti afes eria, ol i laik helpim ol pipel long paipain eria long sait bilong agrikalsa developmen. Dispela helpim i ken strongim ol pipel long holim graun na kamapim developmen long sapotim femili na komyuniti bilong ol.

Sinia agrikalsa ofisa wantaim Ramu NiCo long Madang, Aldam Bande, husat i go pas long givim trening na givim edvais long rais fam wok i tok rais em bikpela samting long sait long fud sekuriti bilong ol rurel femili. Dispela em bikos rais i ken stap long taim bihain long ol kisim long gaden na storim long gutpela ples i stap inap wanem taim yu rausim skin bilong em long mil na kisim wait rais.

Narapela samting tu em rais i ken fidim planti pipel.

Mista Bande i tokaut olsem PNG i gat gutpela graun long groim rais na rais i save kamapim planti sid we i winim ol arapela kantri long wol tu.

Em i tok graun long PNG i gat gutpela gris tru na rais i ken kamapim gut tru. Olsem na ol fama i mas planim rais long bikpela eria olsem 50-mita skwea. Insait long 50-mita skwea we graun i gat gutpela gris, ol fama i ken kisim olsem 4-pela tan rais.

Mista Bande i tok ol kain rais ol famas we i wok klostu wantaim Ramu NiCo CA dipatmen i planim em NARI 15, 16 na 17 na TSC 10 we em sotpela o dwaf rais we sids i kam long NARI long Bubia klostu long Lae long Morobe provins.

Narapela edvais Mista Bande i givim long ol smolholda famas long ol ples long PNG em olsem taim ol i planim rais long seim eria . Bihain



William Wageng i kisim wanpela skul toktok long Ramu NiCo agrikalsa ofisa Aldam Bande insait long rais gaden long Bongu.


William Wageng wantaim meri na pikinini bilong em i sanap insait long rais gaden bilong ol long ples Bongu long Astrolabe Be eria long Madang.

long ol i planim rais long dispela eria tripela taim pinis, ol fama i mas rausim olpela as bilong rais na larim graun i stap na ol i ken plainim narapela samting long givim gris ken long graun, na bihain ol i ken planim nupela sid long dispela eria.

Mista Bande i tok klia tu olsem ol rais we i gat gro longpela i ken karim kaikai bilong ol bihain long 5-pela mun. Ol dispela raise em taim ol famas i planim em mak bilong en em 40 sentimita by 40 sentimita insait long wanpela hekta eria. Insait long dispela spes em bihain long 5-pela mun ol fama i ken kisim 4-pela tan.

Ol rais we save kamapim ol kaikai insait long 3-pela mun em ol famas i mas planim insait long 30 i go 20 sentimita long we em i ken kamapim 4-tan insait long wanpela hekta.

Ramu NiCo i promotim wok agrikalsa insait long ol projek impekt eria bilong en long givim gutpela tingting long ol ples man olsem maski wok maining bai i kamap, em bai stap sotpela taim tasol. Wok bilong agrikalsa bai stap longpela taim olsem na ol ples man i mas holim strong wok agrikalsa long strongim sindaun bilong ol wantaim femili na komyuniti long ples na hauslain.



William Wangeng i soim Aldam Bande tul em i wokim long haus long rausim grein bilong rais.

### Ramu NiCo redi long givim

Insait long moa long tupela yia, Ramu NiCo i sanapim pinis mali bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamak rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**'Wanpela Ramu NiCo, Wanpela Komyuniti'**





**TAITIM BUN:** Dispela Dolphins pilaia i redi long mekim save long bal we Defence pilaia i tromoi kam long em long Mosbi sofbol resis bilong ol las wik Sande. *POTO: Andrew Molen.*




**KISIM:** Pilaia bilong Moresby Dockyard i painim ol wanpilai bilong em long salim bal i go long Praivet Kampani netbol gem bilong ol las wik Sande long Mosbi. *POTO: Andrew Molen.*



**PASIM:** Nathaniel Lepani bilong Cetal FC traim Ing pasim Adrian Komu bilong Bulolo FC long NSL gem bilong ol las wik Sarere long Mosbi. *POTO: Andrew Molen.*




**MAN O PISIN:** Pilaia bilong Bulolo FC i mekim wanpela kain stail kalap long kikim bal i go long wanpilai bilong em. *POTO: Andrew Molen.*



**KARAMAP:** Ol paitman i save werim dispela karamap long han bilong ol long ol semi kontek tonamen.

**TROMOI LEK:** Wanpela karate man i soim wanpela kik bilong ol.



# Strongpela long olgeta

**KARATE** em i wanpela biknem masol ats we planti manmeri save long en. Em i wanpela masol ats we i kam aut long Siapan (Japan) na i gat nem long ol strongpela stail bilong en long pait na trening.

I gat planti kain Karate i stap, wanwan bilong ol i gat stail bilong ol yet tasol astingting bilong olgeta i wankain.

Dispela astingting em long skulim ol sumatin bilong ol long gutpela pasin, long harim tok, long yusim ol save na strong bilong ol long Karate long lukautim ol yet na ol arapela na tu long yusim gut insait long ol wanem kain wok na spots ol i stap insait long en.

Tasol karate i no wanpela masol ats tasol, em i wanpela bikipela sapot tu long Siapan, Amerika na long Yurop. I gat planti kain ol karate tonamen i save kamap, sampela i save putim karamap long han, lek na het na pait na sampela i save senisim o loa bilong pait bai ol pilaia i noken bagarapim ol yet., Tasol i gat wanpela karate ol i kolim Kyokushin Karate, we i gat nem olsem

strongpela Karate long olgeta arapela Karate.

Olgeta tonamen bilong Kyokushin Karate em ful kontek tasol, dispela i min olsem ol paitmanmeri insait long ol tonamen bilong ol i no save werim wanpela karamap long bodi bilong ol taim ol i pait.

## Histri bilong gem

Karate i stat long Okinawa ailan long Siapan.

Ol i bungim ol bipo stail bilong ol long pait na bungim wantaim sampela stail bilong pait i kam long Saina (China). Dispela em i as bilong nem "Karate" we i min olsem "Chinese Hands" o "han bilong Saina."

Bihain ol i senisim as bilong dispela nem i go long "Empty Hand" o han nating.

Karate i no go insait long Olimpik Gems yet tasol em i wanpela bikipela spots insait long masol ats.

Ol ful kontek tonamen bilong Karate we i save kamap long Siapan bipo, i save

strong tru na ol i save kolim ol "Kumite." Kumite em pait we i save kamap namel long tupela karate sumatin bihain long trening o insait long tonamen. Long hap ol i save soim ol save na strong bilong ol we ol i lainim long trening bilong ol.

## Loa na stail bilong pait

Wanwan tonamen i gat stail bilong ol long pait.

Long ol semi kontek tonamen, ol paitmanmeri save werim karampa long han, lek na het bilong ol tasol ol i no inap kik o tromoi han long sampela hap bilong bodi olsem long lek, het o bel bilong narapela.

Sampela semi kontek loa i save tok orait long werim karamap long lek tasol. Long ful kontek tonamen, olsem long Kyokushin Karate, yu ken kikim na paitim birua bilong yu long bodi na lek bilong em tasol i no long het, na i no long taim em i pundaun o i givim baksait long yu.

Insait long dispela loa tu, ol paitman i

no save werim wanpela karamap long bodi bilong ol.

## Karate long PNG

Karate i strong long PNG, na i stap aninit long PNG Karate Federation. I gat planti ol karate skul i stap long PNG olsem Kyokushin, Goju, Shotokan na planti arapela.

Laspela taim Karate makim kantri long wanpela intanesenel tonamen em long 2011 Pasifik Gems long Nu Kaledonia we ol i winim wanpela gol medol long divisen bilong ol meri.

I gat planti ol biknem spots man bilong Karate i kamap long PNG pinis olsem Walter Schnaubelt, Bernard Soari, Silas Piskaut, Gabbie Yura na planti arapela. Em i wanpela spot bilong pait olsem kik-boksing na taekwando we PNG ken i kamap gut long en tu.

Ol Karate skul tu i mas i gat gutpela ples bilong trening olsem wanpela bikipela haus we ol i ken stap insait na trening tasol dispela tu in o isi long planti bilong ol long painim.



**LUKAUT:** Tupela meri pait insait long wanpela semi kontek tonamen. Ol i putim karamap bilong lek na han.



**PAIT:** Tupela paitman i mekim save insait long wanpela ful kontek kumite.

# Bennette kisim Buderus i kam bek

BIHAIN long Danny Buderus i lusim Newcastle Knights long go pilai long Inglen Supa Lig, nogat man i ting em bai kam bek.

Tasol nau, aninit long nupela kosa, Wayne Bennett, klap bai kisim bipo kepten bilong ol na tu huka bilong Australia na Nu Saut Wels i kam bek.

Buderus i lusim ol Knights long pinis bilong 2008 bihain long

em i lukim olupela kosa, Brian Smith i rausim sampela ol sinia pilaia long kisim ol yangpela i go insait.

Taim em i go long Inglen, Buderus i bin gat 34 krismas tasol nau, bihain long tripela yia, Bennett i bilip em, i gat strong long pilai yet insait long spit na strong bilong NRL resis.

Namba wan samtin Bennett i mekim taim em i go long Newcastle

dispela yia, em long stretim toktok na pepa wok bilong klap long kisim Buderus i kam bek long ol.

Las yia i bin laspela yia bilong Buderus long kontrak bilong em wantaim Supa Lig tim bilong em, Leeds, we em i helpim ol long winim gren fainol.

Nau, Bennett i redi long putim Buderus i go insait long namba wan huka bilong em, na i tok Kurt Gidley bai

statim yia long faiv eit. Darius Boyd husat i kam long Dragons, bai lukautim fulbek.

"Mi amamas olsem em bai kam bek long tim," Bennett i tok long Buderus.

"Em i wanpela gutpela pilaia na em bai gutpela long lukim kain man olsem em i mas pinisim gem bilong em long Newcastle we em i stat na i mekim planti samting long en," em i tok.



**KAM BEK:** Buderus bai statim gem long huka aninit long was bilong Bennett.

## Manly laik soim ol inap yet

OL Manly pilaia i laik soim olsem ol inap long winim bek NRL taitol bilong ol bihain long kosa, Des Hasler i lusim ol.

Ol i laik soim olsem, Hasler i go tasol em i no karim win bilong ol i go.

Hasler i bin helpim ol long winim gren fainol long 2008 na 2011 tasol nau em i go long Canterbury Bulldogs na bai traim long mekim wankain long hap.

Sampela ol pilaia bilong Manly husat i stap long dispela gren fainol tim las yia i no stap nau tasol tingting bilong ol pilaia husat i stap nau i strong yet.

"Mipela i gat moa tingting long winim gen bilong wanem Toovey (nupela kosa, Geoff Toovey) i laik mipela i mas go gut dispela yia," fowet, Brent Kite i tok.

"Planti long mipela ol sinia pilaia i stap yet olsem na mipela i laik soim olsem dispela win i

kam long planti hatwok bilong mipela tu," em i tok.

Wanpela kepten bilong tim, Jason King i tok, tingting bilong ol manmeri olsem ol bai lus bilong wanem Hasler i no stap, em i wanpela samting we bai mekim ol long pilai strong moa.

"Ol manmeri ting olsem mipela i lus pinis tasol mipela i stap yet, em i gutpela salens na ekspiriens tu bilong mipela," King i tok.



**STAP YET:** Hasler i go tasol ol pilai stap yet long karim tim go yet.

## Hayne laik kirapim balus gen

BIHAIN long ol i go long gren fainol long 2010, ol Parramatta Eels i go daun olgeta tasol nau ol i laik kirapim paia bilong ol gen.

Sampela ol samting we bai helpim ol long kirapim paia bilong ol gen dispela yia em nupela hap bek, Chris Sandow husat ol i kisim i kam long South Sydney.

Sandow i gat gem we i ken kirapim skin bilong ol spitman long beklain husat ol i no mekim planti nois tumas long las tupela yia.

Narapela samting em, nupela beklain bilong ol Eels we i ken senisim stail bilong pilai long ron gut wantaim stail bilong Sandow na spit bilong fulbek Jarryd Hayne.

Dispela nupela beklain bilong ol Eels bai gat tupela brata, Willie na Esi Tonga na tu Ben Roberts.

Willie Tonga bai kirapim das long senta na Robert i ken pasim faiv eit na wokbung wantaim Sandow long namel.

Dispela bai mekim Hayne i go bek long ful-



**KIRAP GEN:** Hayne bai paia dispela yia wantaim helpim bilong sampela ol gutpela pilaia.

bek we em i gutpela long en bilong wanem ol rekot i soim em i no putim planti trai o brukim lain bilong ol birua tumas long 2010 taim em i pilai long faiv eit.

Taim em i pilai faiv eit, Hayne i putim 7-pela trai tasol na i brukim banis bilong ol arapela tim 5-pela taim tasol.

Em i mekim tu 40 asua olgeta insait long gem we i winim ol arapela insait long tim.

Long 2010 taim em i pilai fulbek, Hayne i putim 11-pela trai na brukim banis 17 taim.

Nau em i ken mekim

gen wantaim helpim bilong Sandow na Roberts long namel bilong gem.

Long fulbek, Hayne bai gat moa spes long ron na i noken het pen long ronim bal long namel tumas.

Dispela ol senis long namel na long beklain wantaim strongpela ron bilong ol fowet, bai mekim Eels i kirap gen.

Em bai givim sans tu long Hayne long kirapim bek "balus" bilong em olsem em i mekim long 2009 na i winim awod olsem namba wan pilaia long yia.

## Luksave strongim ol etlit

*i kam long bek pes..*

mama sponsa bilong dispela ol spots awods long 20 yia nau na tu long ol lain i go pas long kamapim na ronim.

Lelai tok tu olsem ol manmeri mas amamas long makim ol gutpela pilaia, ofisol na tim bilong ol long traim na kisim wanpela awod.

"Dispela em i wanpela rot long ol manmeri ken soim amamas na tok tenkyu long

hatwok ol spotsmanmeri bilong ol i save givim kantri long ol bikpela tonamen," em i tok.

Lelai tok dispela bihain Fainensol kontola bilong SP Brewery, Eric Chong i opim resis bilong makim ol nambawan spotsmanmeri bilong Papua Niugini insait long SP Sports Awards.

Dispela i kamap long Mosbi long Tunde dispela wik na i bungim planti ol bikmanmeri na ofisol bilong spots long lukim.

2012 i makim tu 20 yia bilong dispela awods na SP Brewery i stap yet olsem mama sponsa bilong en.

"Dispela yia em i spesol bilong wanem em i makim 20 yia bilong SP Sports Awards na tu em i makim 60 yia bilong Sp Brewery insait long kantri," Chong i tok.

"Na long makim wok redi bilong kantri long 2015 Pasifik Gems we bai kamap long hia, mipela i kisim het tok bilong SP Awods dispela yia olsem 'Go For Gold.'

"Dispela het tok em i wanpela samting we SP Brewery save strong long bihainim bilong wanem em soim tru gutpela nem na rekot bilong SP na mipela i laik wankain tingting bilong win na kamap nambawan i mas stap wantaim ol spotsmanmeri bilong yumi tu," em i tok.

Sekreteri Jenerel bilong Papua New Guinea Sports Federation and Olympic Committee (PNGSFOC), Auvita Rapilla, i tok, ol i

putim 4-pela moa awod i go insait long resis dispela yia.

Dispela em; Club of the Year awod, The Sports Media awod we i kisim ples bilong Reporter of the Year awod, Community Sports Initiative na Sports Photo of the Year awod.

Ol dispela nupela awod bai go antap long narapela 10-pela we i stap pinis.

"Ol nupela awod i soim tingting bilong ogenaising komiti long givim moa luksave long ol spotsmanmeri

long wanwan wok bilong ol," Rapilla i tok.

Em i tok 2011 i bin wanpela bikpela yia bilong spots long PNG we i lukim Arafura, Pasifik na Komonwelt Yut Gems tu i bin kamap wantaim planti ol arapela nesenel na intanesenel tonamen tu.

Dispela olgeta pilai na hatwok bilong 2011 bai gat sans long kisim luksave long SP Awods dispela yia.

Olgeta nominesen i mas go insait bipo long Epril 5.



**NEW PREMIUM TUNA**

# DIANA

PROUDLY **PNO MADE**

DIANA Hot & Spice  
DIANA Smoked Salmon  
DIANA Tuna in Oil  
DIANA Tuna with Sauce  
DIANA Barbecue Flavour

**LUKAUT:** Wanpela ekrobet man bilong Saina i mekim liklik sho long opim bilong 2012 Spots Awods long SP Brewery long Mosbi long Tunde nait.

PHOTO ANDREW MOLEN.



# Luksave strongim ol etlit

SP Spots awod i op nau

**Andrew Molen i raitim**

OL etlit i tok gutpela luksave long hatwok bilong ol em i wanpela samting we i save helpim na strongim ol long pilai makim kantri bilong ol.

"Mipela i save pilai bilong wanem mipela i save laikim long salens na traim save na strong bilong mipela agensim ol arapela.

"Dispela kain luksave olsem SP Spots awods i save givim, em i wanpela samting we i save strongim mipela long wokhat moa bilong kantri bilong mipela," meri makim ol etlit, Karo Lelai tok.

Em i tok amamas long SP olsem

*moa long Pes 30.*

**INSAIT:** Strongpela long olgeta. **PES 29.**

**CARPENTERS MOTORS**

# Introdusim

DIAMOND CLASS VEHICLES

- SETIFAIID KILOMITAS
- 6 PELA MUN FRI SEVIS
- 6 PELA MUN ENSIN WARANTI
- SEFTI STIKA INSPEKSEN FRI LONG TAIM YU KISIM KAR (Inspeksen tasol)
- 10% DISCAUNT LONG OL PARTS NA LEIBA \*Kondisens bai aplai
- OL SAVE TEKNISEN BAI SEVISIM KAR BILONG YU
- IGAT 20 POINT MEKENIKOL SEK

● Nambawan Expiriens ● Hamamas long Kisim ● Tru long Yumi

**9.9% FAINANS** long ol **DIAMOND CLASS VEHICLES** \*Kondisens bai aplai!

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com